

HOITA KIMAJ KO JI JEANT

Ta kumkajir

1 Lo yaḃoodat nu Ta ndi nö, Ta i nat ki Luḃah, Ta i Luḃah tö. ² Ta inön ndi nö, lo yaḃoodat nu, i nat ki Luḃah. ³ Kitakula la Luḃah ra'n nyag tubè yé. Kam nyagt in Luḃah radi yé, ra nya mad kira kikanja al. ⁴ Kam Tat inön kumkajir i tit, kumkajir inön i kunj ki unj dö dégt. ⁵ Kunj inön ndi unj kam tilt, na til ta toga al. ⁶ Luḃah la dé lon kokiront, töa i Jean. ⁷ Dé inön ré kad i ngèmanaj; ma naj dö kunj kitökad dégt tubè adin rota kitakuln. ⁸ In kibé kidön i kunj inön al, na ré kitökad el dégt ta dö kunj.

⁹ Kunj inten la i kunj kirola yé, ad i kunj in ré döningt nè, ndi unj dé kirei. ¹⁰ Ta inön ndi döningt. Luḃah ra döning kitakula; titbè ká a nè, dégt ki döningt gerina al. ¹¹ Ré döningt lon ki koss dön, na dégt loa höna kirolit al. ¹² Na dégt madg höna kirolit, adin rota töa tö yé; kitö inten ad'di tog ki inñ nè ngan Luḃah. ¹³ Inñ inñ ki kooj kitakul moss al ké kitakul ndig lo danro dé, ké kitakul ndig lo dé, na inñ ki kooj kitakul Luḃah tan.

¹⁴ Ta inön tel danro dé, hö londi rojit, jin tö j'o maj loa kitoitoi ad i maj kitoitoi lo Ngwon kikal kirabè ki ré kokiro Bobt. Rooss ki kamken ki rota tö.

¹⁵ Jean rà ma naj, rà ko, an: «Inñan la i dé'n m'el ta loa yé, m'an; dé'n ndi ré gomt yé, i kibo toim kitö i nö mari ketté nö koojmt.»

¹⁶ Kitö jinñ tubè ki ngah majkur kokam kamken loa kingain, ad maj urji kidötdöt. ¹⁷ Luḃah ad *Mberkina kitakul Moïse, na kamken ki rota rén kitakul Jésus Christ. ¹⁸ Dé mad ki o Luḃah ki kumn nja kira goto. Ngwon kikal kirabè in to kad Bobt, in la ad dégt gerina yé.

Ta lo Jean ngèra baptême

(O Matthieu 3:1-12, Marc 1:1-8,
Luc 3:1-18)

¹⁹ Najkima in Jean ma laten. Juifg ki bébo Jérusalem lan ngéjamosskadkarig ki *Léviag madg kad ndijèna ké in nö a? ²⁰ Jean ma naj. Maj ta al, tö tant an; inñ Christ al. ²¹ Dégt inön ndijèna annan: «Ké titbain a? Inñ *Elie a?» Jean tur an: «Min Eli al.» Ndjèna annan: «Inñ *ngèkelta ki ta Luḃaht inön a?» Jean tur an: «A'a!» ²² Ndjèna annan: «Inñ nö a? kitökad ki tel j'el inñin lajin. I kun roi ri a?» ²³ El an: «Min titbè:

“ndi dé ki ngèko kam kort,
i ran go rob ad Brabé ad rà kiring
seou!”»...

tit in han ngèkelta ki ta Luḃaht Esaïe el'n. ²⁴ *Pharisig la lan dégt inön yé. ²⁵ Ndjèna annan: «Inñ inñ Christ al, ké Elie, ké Ngèkelta ki ta Luḃaht inön al a nè, kitöri i rà ra'n dégt baptême é?» ²⁶ Jean turdi an: «Min ta, m'ra



Jean ngèra baptême.

m'ra dæg baptême kam mant, na dë mad rà dansit nè in i gerina al.
²⁷ Inràn i ngèrè gomt, na miñ m'ass kad m'tut killa sanja loa al.»

28 Nyag inön ran nya Bèthanië, gid bah Jourdain, lo in Jean rà ra dæg baptême.

Ta lo Ngwon bat lo Lubah

29 Loti go't Jean o Jésus a ré kidöat, el an: «On Ngwon bat lo Lubah in rà un majal lo dæg ki döningt nè kö!

³⁰ Inràn i dë'n m'el ta loa ketté m'an; "ngèrè gomt bo toim kitö i nö ketté nö koojmt." ³¹ Miñ ta, m'gera al, na m'rë m'ra m'ra dæg baptême kam

mant kitökad tèn sia hoi kiro *Israëlagt yé.» ³² Jean ma naj, an: «M'o Ndil riss koki don döranp tit der

bè, ndi kidöat. ³³ M'gera al baitö; na Lubah in lam kad m'ra dæg baptême yé, in la elm an; dë'n m'a m'o Ndil riss,

ndi kidöat la, i in la ndi ra dæg baptême kam Ndil kikunjrangt yé. ³⁴ Miñ m'o, m'ma naj tö, inön i Ngwon Lubah.»

Ngéndoog kidassa lo Jésus

35 Loti go't Jean rà loatinön baitö nat ki *ngéndoog lon jo yé. ³⁶ O Jésus a toi, el an: «On Ngwon bat lo

Lubah!» ³⁷ Ngéndoog kijo inön on rà el ta inön, ad ndulon go Jésus. ³⁸ Jésus mbel kigog, o'di a ndulon gon, na ndijèdi an: «I sahn ri a?» Elina annan:

«Rabbi (ad i Ngéndoog-dég), i ndi rah a?» ³⁹ Jésus eldi an: «I rén on!» Ta a nè, auoin, on londia; ndint sia nat mban lo ndö. I dökad lokisolé.

40 Kikira ku kijo'gt inön inön on dö ta lo Jean na ndulon go Jésus tö yé, töa i André ngwonkon Simon Pierre.

⁴¹ Dassabang André ngah ngwonkon Simon, na ela an: «Ki ngah *Messie (ad i Christ).» ⁴² Ré sia ro Jésus. Jésus oa, na el an: «Iñ Simon ngwon

Jean; a kuniin Céphas (ad i mbal).»

Jésus kun Philippe ki Nathanaël

43 Loti go't Jésus ndig ki n'auoin döning Galilée. Ngah Philippe, ela an: «I ndulo gom!» ⁴⁴ Bé lo Philippe i

Bethsaïda, i bë lo André ki Pierre tö.

⁴⁵ Philippe ngah Nathanaël, ela an: «Jin ki ngah dë'n Moïse el ta loa kam Mberkindat, i dë'n ngékelta ki ta

Lubaht ndangin ta loa tö. Dë inön i Jésus ki Nazareth, i ngwon Joseph.»

⁴⁶ Nathanaël ela an: «Nya mad kimaj ra tog tè kokam bè't ki Nazareth é?» Philippe ela an: «I ré o!!»

47 Jésus o Nathanaël a ré kidönt, el ta loa, an: «On Israëla kirota in gool goto kamat!» ⁴⁸ Nathanaël ndijèdi an:

«I germ ko rah a?» Jésus tur an: «Kétté, lon Philippe kuni'n al baitö,

lon ndi ndil kag mbaihoodt la, m'o'i yé.» ⁴⁹ Nathanaël tura an: «Rabbi, in la i Ngwon Lubah, in la in Ngar lo

Israëlag tö yé.» ⁵⁰ Jésus tura an: «Kitö kel ki m'eli m'an, m'o'i lon i ndi ndil

kag mbaihoodt la, adin rota wa? A o nyag kibo toin inön.» ⁵¹ Ela tö an: «Rota rota la m'ndi m'elsi yé; a

on döranp tè rà tag, *malaikag lo Lubah tö ndi alint ndi rissin kidö Ngwon-dét.»

Jésus auo lo murgaut kam bè't ki Cana

2 Dö ndöt kikonmita dæg ran murgau kam bè't ki Cana kam döning Galilée. Kon Jésus i tit nö.

² Kunin Jésus tö ki *ngéndoog loa ki auoin lo murgaut. ³ Lon *kassndu du yé, kon Jésus ela an: «Kassndu lodi

goto.» ⁴ Jésus ela an: «Dékiden, ot kelm nya'n ass kad m'ra! Kago lom ass al baitö.» ⁵ Kon Jésus el ngan ngérakilla an: «Ké nya ri'n a elsi ta a nè,

i ran!»

6 Juifg auoin ki nyabelbég dö kar ro dö nya kiyert, kitö inten jo-mbalg ki nda man mehen in lo't inön, jo kirei

ass kun litre döjijo ké litre bu kidöjo kamt. ⁷ Jésus el ngan ngékiliag, an: «Maj kad roossin jo'g indin ki man!»

Roossin, ton man kitit mban ad ndi tadi njirir. ⁸ Jésus eldi an: «Odin tajigla! unin kiro biradö murgaut

nò!» ⁹ Unin man aouin nè roat. Lon biradö murngau od man in tel kassndu tant yé, ger lo in ngahnt al; na ngan ngérakillag ingin odin man yé gerin bet; biradö murngau kun ngè-ta dékiden kij kiront, ¹⁰ ela an: «Dé kirei a nda kassndu kimaj la ketté; ad lon dég aipin ngain woi, kamla ut go ki kassndu kimaj kari yé, na i ngonm kassndu kimaj mban tajigla.»

¹¹ Inten i nyakoj kidassa in Jésus ra; kam bét ki Cana kam döning Galiléet la ra't yé. Té ki tog lon kitiga; ngéndoog loa tö adina rota.

¹² Go nyat inön, Jésus aou bét ki Capernaüm, in ki konn ki ngankonn ki ngéndoog lon; ndint nu ran ndö ngainal.

Jésus aou kam kuj ndub Lubaht

(O Matthieu 21:12-13, Marc 11:15-17, Luc 19:45-46)

¹³ Kaglo fête Pâque lo Juifg i nderbè, ad Jésus aou bébo Jérusalem. ¹⁴ Ngah ngéndugo mang'g ki batg ki derg kö kam kuj ndub Lubaht, ngah ngémbelnar ndint tö. ¹⁵ Jésus nda killa ndeht, tubadi'n tubè kuj ndub Lubaht kö ki batg ki mang'g tu; tinda nar lo ngémbelnarg tin kö; toss tableg lodi tila; ¹⁶ el ngéndugo derg kö an: «Oin nyag indin nèbè kö! Ot telin kuj lo Bobm kuj ra gat't!» ¹⁷ Kam ngéndoog loa ga dö tat inten kindang kam Maktubt: «Ni kitö kuj loi ndi tolm sokir.»

¹⁸ Juifg ndijèna annan: «Nyakoj ki ri a oj'ji kitökad ki ger'n i aou ki tog ra'n nyag inten a?» ¹⁹ Jésus turdi an: «I tön kuj ndub Lubah inran kö, na kam ndöt kimita tö m'a m'ra gog.» ²⁰ Juifg elina annan: «Bè wa? Bal döso gidaimehen han ran nè kuj ndub Lubah inran, la in tan a ra gog kam ndöt kimita a?»

²¹ Na kuj ndub Lubah in Jésus el ta loa yé, i danron. ²² Kitö inten, lon Jésus hai ku ngékwoit yé, kam ngéndoog loa ga dö tat inten in Jésus el, ad adin rota ta kindang kam Maktubt ki ta'n Jésus el nö tö.

Jésus ger dég tubè

²³ Lon Jésus ndi bébo Jérusalem kaglo fête Pâque't yé, dég ngainbè on nyakojg in n'ndi ra ad adin rota töa. ²⁴ Na Jésus kidön ger dég tubè, kitö inten ta'n kamdi al. ²⁵ Gé kad dé mad ma naj dö dét al, kitö in kibé kidön ger nya'n ndi kam dét bet.

Ta lo Jésus ki Nicodème

3 Na dé mad ndi nö ku Pharisiqt, töa i Nicodème, i kikira ku mbai-bégt lo Juifg. ² Dé inön ré ro Jésus ndö, ela an: «Rabbi, jin ki ger in ngéndoog-dég ki ré koki ro Lubaht, kitö dé ki ra tog ra nyakojg in i n'ndi ra nö goto, na Lubah i nat sia tan.» ³ Jésus tur an: «Rota rota la m'ndi m'eli yé, inla a oojin dé koki don al a nè, ra tog ko *konbé lo Lubah al.» ⁴ Nicodème ela an: «Titbain a ran tog koojin dé lon tel ngahtog woi a? Ra tog tel kand kam konnot gog kad ooja nja jo o?» ⁵ Jésus tur an: «Rota rota la m'ndi m'ndi m'eli yé; inla a oojin dé kokam mant ki Ndil al a nè, ra tog kand kam konbét lo Lubah al. ⁶ Nya ki danro dé ooja i danro, nya ki Ndil ooja i ndil. ⁷ Ot kad ta ki m'eli nö yai! Kari na a oojin koki don! ⁸ Nel ndi la ki lo't in ndig, i o kaah tö, na i ger lo in ré't al, ké lo in ndi aout. Ki rob kititbè la dé kirei'n ooj'n kooj kikij kokam Ndilt yé.» ⁹ Nicodème ndijèa an: «Titbain nyaginten arantogaa?» ¹⁰ Jésus tur an: «In ki ngéndoog-dég dan Israëlagt yé la i ger nyag inten al yo? ¹¹ Rota rota la m'ndi m'eli yé; ki ndi ki j'el ta nya'n ki ger, ki ndi ki ma naj dö nyat in ki j'o; na i tan najkima loji al. ¹² Inla m'elsi ta nyag ki döningt, na adin rota al a nè; titbain a adin rota lon m'elsi ta nyag ki dörant a? ¹³ Dé mad ki aou don

2:12 Mat 4:13

2:13 Té 12:1-27

2:17 Ps 69:10

2:19 Mat 26:61, 27:40; Marc 14:58, 15:29

döraṅt goto, na *Ngwon-dé'n riss koki doṅ döraṅt yé taṅ.»

14 Tit in haṅ Moïse un'n li kidoṅ kam kort yé, titbè tò kari na a unin nè Ngwon-dé kidoṅ ho yé; ¹⁵ kitòkad dé kirei'n ndi ada rota a nè ndi'n ki kumkajir kimbaṅ kinöt. ¹⁶ Kitö Luḅah tar dég ki döningt nè, mbaṅ ad Ngwon'n kikal kirabè, kitòkad dé kirei'n ndi ada rota a nè, ki nuj kö al, na ki ndi ki kumkajir kimbaṅ kinönt. ¹⁷ Kitö Luḅah la Ngwon'n ki döningt kad ki n'gang'n ta dö dégt ki döningt nè al, na kad dég ki döningt nè ajin kitakula.



Li ki ga dö kagt.

18 Dé'n ndi ada rota a nè, Luḅah ndi gang ta döat al bat; na dé'n ndi ada rota al a nè, Luḅah gang ta döat woi kitö ad rota tò Ngwon Luḅah kikal kirabè al. ¹⁹ Takigang laten: kunj ré döningt nè, na dég ndigin til toi kunj kitö killaradi i kimajal. ²⁰ Kitö dé kirei'n hö ra majal a nè, mbat kunj, ndi ré ro kunj al tö, na béta kunj kija killaran'g kitiga. ²¹ Na

dé'n ndi ra go rotat a nè, ndi ré ro kunj kitòkad kunj té ki killaran'g kitiga ad on. Titbè la dég a gerin nè maj dé inön ra killà lon tubè kigo lo Luḅah.

Ta lo Jésus ki Jean ngèra baptême

22 Go nyagt inṅen, Jésus aou döning Judée nat ki ngendoog lon. Ndit nu sédi, rà ra dég baptême. ²³ Jean tö rà ra dég baptême lo't mad ki töa i Ainon, i nderbè ki Salim, kitö man i ngaiṅ tit nu. Dég aouin roat ad radi baptême. ²⁴ Lan Jean dangait al baitö.

25 Na ngendoog lo Jean majin'na ta ki Juif mad dö kar ro dö nya kiyert. ²⁶ Ta a nè, aouin ro Jeant, elina annan: «Rabbi, dé'n i ndi sia mari gid bah Jourdain ad i dé'n i maa naj yé, o! dé inön ndi ra dég baptême, na dég tubè ndi aouin roat tö.» ²⁷ Jean tur an: «Dé ra tog ta nya mad al, na Luḅah ada taṅ. ²⁸ Iṅn kibég kidösi iṅn ngé-mamnaj, m'an; miṅ Christ al, na Luḅah lam ketté nöat ta la. ²⁹ Ngèra lo ta dékiden kij la i dé ki ngèdékiden, na nam dé'n ta dékiden kij rà kadat, rà o dö ta loa yé, ra ronel dö ko't in o dö ndi-ta dé'n ta dékiden kij. Ronel kikassnatap inön tö yé i lom. ³⁰ In ta, kari na a tel dé kibo kikettéketté, na miṅ ta, kari na m'a miṅ dé kidu.»

Jésus Christ i ngèré koki doṅ döraṅt

31 Ngèré koki doṅ i doṅ dö nyagt tubè, ngèré koki döningt i lo döning, ndi el ta dö nyagt ki döningt tö. Ngèré koki doṅ i doṅ dö nyagt tubè, ³² ndi ma naj dö nyagt iṅn o ki kumn ki dö nyagt iṅn o dö ki mbin, na dé ki ta najkima loa goto. ³³ Dé'n ta najkima loa a nè, so go't Luḅah i ngèrota. ³⁴ Ngèkila in Luḅah laa, tag lo Luḅah la ndi el yé, kitö Luḅah ndi ada Ndil ki lo koj al. ³⁵ Bob ndi tar Ngwon, la nyag tubè jiat tö. ³⁶ Dé'n

3:14 Nom 21:9

3:24 Mat 14:3; Marc 6:17; Luc 3:19-20

3:28 Jean 1:20

3:35 Mat 11:27; Luc 10:22

ndi ad rota Ngwon a nè, ndi ki kumkajir kimbañ kinönt, na dé'n tel ron go tat lo Ngwon al a nè, a o kumkajir al; na wong lo Luḃah ndi kidöat.

Ta lo Jésus ki dékiden ki Samarie

4 Pharisiḡ on hoi Jésus ndi ad déḡ telin ngéndoog lon, ndi radi baptême tö mbañ toi Jean. ⁽²⁾ Jésus kidön ra déḡ baptême al, na ngéndoog loa tañ randi baptême yé.) ³ Jésus o ad nya döning Judée na tel aou döning Galilée gog. ⁴ Kari na ki nda dan döning Samarie gang. ⁵ Té bé't mad ki döning Samarie, töa i Sichar; bé inön i nderbè kikad döning-ndört in Jacob gang ad ngwon'n Joseph. ⁶ Buloman lo Jacob rà tit nö. Jésus ta, kita kor in or ki kaou'n robo yé, ad ndi ta bulomant inön kàd midi.

⁷ Dékiden mad ki girkooy Samarie ré kitö kor man. Jésus ela an: «Admt m'ain!» ⁸ Ngéndoog loa aouin kam bé't ndugo'n nyasa. ⁹ Dékiden ki Samarie inön ela an: «Titbain iñ ki iñ Juif yé, la i köm nyakain, miñ'n miñ dékiden ki Samarie a?» El titbè kitö Juifḡ hön nooj ki *Samariag al. ¹⁰ Jésus tura an: «Nèni i ger kadhari lo Luḃah ki ngékeli kan adnt n'ain a nè, nèni a i köa, na iñ tö a adi man kumkajir.» ¹¹ Dékiden ela an: «Dingam, i ndi ki nyakor man al, buloman tö i kiwo kibing; na man kumkajir inön yé, a i té'n ko rah a?» ¹² Bobji Jacob ad urin buloman inñan ad'ji, iñ kibé kidön tö aint ki ngan'n ki nyakulg lon; na iñ ta a nè, iñ kibo toia a?» ¹³ Jésus tura an: «Dé kirei'n ndi aip man inñan a nè, kinda a oña gog tö; ¹⁴ na dé kirei'n a aip man ki m'a m'ada a nè, kinda a oña gog al bat; na man ki m'a m'ada a tel mankiḃa kamati, ki rà ḃa bulbul ki kumkajirt kimbañ kinöt.» ¹⁵ Dékiden ela an: «Dingam, adm man inön! kitö-kad kinda oñm gog al; kad m'ré kor man nèbè gog al.»

¹⁶ Jésus ela an: «Aou, i kun ngauai,

kamla i tel ré nè!» ¹⁷ Dékiden el an: «Ngaum goto.» Jésus ela an: «El gorobat la an, ngauai goto yé, ¹⁸ kitö ngauig kimari inñ mi, na dingam in i ndi sia yé i ngauai al. Rota la el ten.» ¹⁹ Dékiden ela an: «Dingam, m'o tit iñ *ngékelta ki ta Luḃaht. ²⁰ Bobjiḡ jñ Samariag ossin dödi ber nö Luḃaht dö mbalbot inñan, na iñ Juifḡ i ndi annan, kam bébo Jérusalem al i lo in kari na ki déḡ ossin dödi ber nö Luḃaht yé.» ²¹ Jésus ela an: «Dékiden, adm rota! kaglo a ré nö in déḡ a ossin dödi ber nö Bobt dö mbalbot inñan ké kam bébo Jérusalem al. ²² Iñ Samariag i ossin dösi ber nö Luḃaht ki i gerina al; na jñ Juifḡ ki ndi ki j'oss döji ber nö Luḃaht in ki gerina, kitö kaj ré kokiyo Juifḡ. ²³ Na kaglo ndi ré nö, tajiḡla ré woi tö, lon ngékoss dödi ber kijiḡé a ossin dödi ber nö Bobt kam ndilt ki kam rotat tö; kitö déḡ inön la Bob ndi sahdi ki inñ ngékoss dödi ber nöat yé. ²⁴ Luḃah i Ndil; ngékoss dödi ber nöat tö, kari na ki ossin dödi ber nöat kam ndilt ki kam rotat tö.»

²⁵ Dékiden ela an: «M'ger ta kad *Messie ndi ré nö, a kunina Christ. Lon ré woi a nè, a elji ad'ji ger nyag tubè.» ²⁶ Jésus ela an: «Miñ ki m'ra m'eli ta la, miñ roa yé.»

²⁷ Ngéndoog loa tel rén dökadit inön; ta yadi ki kel ki rà el ta ki dékiden; na dé mad ki kela kan, ri i rà i sah a, ké kitöri i rà ela'n ta wa? bè goto. ²⁸ Kamla dékiden nya ḃir lon, na aou kam bé't, el déḡ an: ²⁹ «I ré on dé mad in elm nyag tubè'n m'ra yé, ké inön a i Christ al é?» ³⁰ Kijan kam bé't kitiga, aouin ro Jé sust.

³¹ Dökadlot in dékiden inön ndi aou ki nö ḃaitö yé, ngéndoog loa ossina annan: «Rabbi, i sa nya!» ³² Na Jésus eldi an: «M'ndi ki nyasa la kitö sa in i gerin al.» ³³ Kitö inñen ngéndoog loa ndijen'na ké dé mad ré ki nyasa ada a? ³⁴ Jésus eldi an:



Dékiden ki Samarie ré kod man.

«Nyasam laten: ki m'ra go ndigt lo ngèlam, ki m'tol kôn killà loa tō.³⁵ I ndi annan; "nain nah sō kamla bal a ndō" al é? On maj! m'ndi m'elsi; unin kumsi kidon, on nè ndōrg! Nyako tut ass ja woi.³⁶ Dé ki ngèja nyako ndi ngah nyabajin, ndi kaou nyako kinat kitō kumkajir kimban kinōt; kitōkad dé ki ngèdubnya ki dé ki ngèja nyako ki ran ronel nat.³⁷ Kitō titbè a on takel dég ki elin nō i rota; "dé mad rà dub nya, na kirang rà ja tō."³⁸ M'lasi kad i jan nya ki i ran killà al; kimadg ran killà, na in ngahn kand killà lodi.»

39 Samariag ngainbè kikum bét inön adin rota kita najkima in dékiden inön ma, an; eln nyag tubè ingin n'ra.⁴⁰ Kitō inten, lon Samariag rén roat yé, kōna ki ndi sédi nat. Jésus rà ndō jo loatinön.⁴¹ Kimadg ngainbè dōt tō adin rota kita ta lo Jéus,⁴² ad elin dékiden annan: «Tajigla, kita ta loi han ki ndi ki j'ad'n rota al ta; jin kibé kidōji j'o dō ta loa, ki ger dé inön i Ngèkaj dég ngèndi dōningt kirotā.»

Jésus yoot ngwon kooj ngèrakilla lo ngèkonbég

43 Go ndōt kijo inön, Jéus bai nōbè ki n'aou dōning Galilée;⁴⁴ Kitō Jéus kidōn ma naj, an: «Ngèkelta ki ta Lubat ngah kossgōn bē koojnt al.»⁴⁵ Lon and kam dōning Galilée yé, dég ki Galilée hōna kirodit kitō inön tō aouin bēbo Jérusalem dōkag fētet, on nyag tubè'n Jéus ra't nō.

46 Jéus tel aou bét ki Cana kam dōning Galilée gog, ad i lo't in ad man tel kassndut. Dé mad ndi bēbo Capernaüm nō, i ngèrakilla lo ngèkonbég; ro ngwona toa.⁴⁷ Lon o hoi Jéus bai dōning Judée ré dōning Galilée yé, dé inön aou roat, kōa ki aou bē Capernaüm *yoot ngwon'n in to ta kwoit.⁴⁸ Jéus ela an: «Inla on nyakojg ki nyag kiyaya al a nè, a adin rota al.»⁴⁹ Ngèrakilla lo ngèkonbég inön ela an: «Brabé, i ré! kamtan ki ngwonm woi.»⁵⁰ Jéus ela an: «Aou! ngwoni ndi ki dōn don

kari.» Dé inön ad rota ta'n Jéus ela, ad aou bē loa.⁵¹ Lon ndi aou baitō yé, berg loa ndodina, orina hoi ngwona ki ndi ki dōn don kari.⁵² Ndijèdi dōkad in ngwon tel'n soot. Turina annan: «Tagbè ki nel ki to la, dōga tor'n jin roat yé.»⁵³ Boba ger i dōkad in Jéus ela'n an, ngwona ndi ki dōn don kari yé. In kibé kidōn ad rota ki dég ki bē lon tubè tō.

54 Inten i nyakojg ki ngèkonjo in Jéus ra lon bai'n dōning Judée aou dōning Galilée yé.

Jésus yoot dé ki ngèrokwoinjor ta mankart ki Béthesda

5 Go nyagt inten, fète mad lo Juifg ré, ad Jéus aou bēbo Jérusalem.² Mankar to't nō nderbè ki Tabit Batgt kam Jérusalem. Tōa ki ta Juif i Béthesda; buloa i mi.³ Gir bulogt inön dég koossg ngérotō'g ki mundog ki mootg ki ngèrokwoinjor tont, to ngon yé-man,⁴ kitō kaglo madg malaika mad lo Brabé a riss and kam man kart inön, bur mana; na dé kirei'n andt dassa go bur-mant a nè, yoot dō roto't kirei'n raa.⁵ Dé mad ndit nō, yo toa bal dōmita gidaijijo.⁶ Lon Jéus oa to ber yé, ger yo toa kaglo ngainbè, ela an: «I ndig kad i ngah lafia a?»⁷ Ngèyoto tur an: «Dé lom kikad lam kam mankart lon burin nè mana goto, na lon m'ndi m'ag baitō a nè, dé mad andt nōmt.»⁸ Jéus ela an: «I bai don, un nyato'i, na ba ning!»⁹ Tentenbè dé inön ngah lafia, un nyato'n, na ba ning.

Ndōatinön i ndō takō.¹⁰ Kitō inten Juifg elin nè dé'n yoot, annan: «Ndō inten i ndō takō, i gorobatal kad un nyato'i.»¹¹ Dé inön turdi an: «Dé'n adm lafia la, elm ad m'un nyato'm na ki m'ba ning.»¹² Ndijèna annan: «Dé'n eli kad i un nyato'i na i ba ning yé, i nō a?»¹³ Na dé'n yoot yé, ger i

4:44 Mat 13:57; Marc 6:4; Luc 4:24

4:45 Jean 2:23

4:46 Jean 2:1-11

5:10 Neh 13:19; Jér 17:21

nö wa al, kitö Jésum tor ron kö, kita kooss dég inñ loatinön.

14 Go nyagt inñ Jésum ndoda kam kuj ndub Luḅaht, ela an: «O maj! I ngah lafia, ot ra majal gog na ḅéta nya kimajal ki toi inñ rai!» 15 Dé inñ aou el Juifg i Jésum la adn lafia yé. 16 Kita inñ la Juifg dan nè ro Jésum ndo, sahn tola kitö ra nyag inñ ki ndö takö. 17 Na Jésum turdi an: «Bobm ndi ra killà ḅaitö, min tö m'ndi m'ra killà.» 18 Kitö inñ Juifg sahn nè tola ki toi, kitö toi dö ndö takö ḅañ kirabè al, na kitö kun in kun Luḅah Bobn tö, tel ron assna ki Luḅah.

Jésum or gir ta tog lo Ngwon Luḅah

19 Kitö inñ la Jésum un ta el'ndi an: «Rota rota la m'ndi m'elsi yé; Ngwon ra tog kun nya mad kidön ra al, na nya'n ndi o Bob ndi ra yé tañ. Kitö nya ki ri ki Bob ndi ra, nya inñ la Ngwon ndi ra titbè ho yé. 20 Kitö Bob ndi tar Ngwon, ndi oja nyag tubè inñ in kibé kidön ndi ra tö; a oja killàg kibo toi inñinten tö, kitökad taa yasi'n. 21 Kitö tit ki Bob ndi ad'n ngékwoig ḅain, ad'di kumkajir yé, titbè tö la Ngwon ndi ad'n kumkajir inñ ndig kad'di ho yé. 22 Kitö Bob ndi gang ta dö dé mad al, na la takigang tubè ji Ngwon; 23 kitökad dég tubè ossin gön Ngwon tit ki ndi ossin nè gön Bob yé bè. Dé'n ndi oss gön Ngwon al a nè, ndi oss gön Bob in laa yé al ho.

24 Rota rota la m'ndi m'elsi yé; dé'n ndi o dö ta lom, ndi ad rota Ngèlam tö ho a nè, ndi ki kumkajir kimḅañ kinöt, ndi ré lo takigangt al, na toi kam kwoit ki kumkajirt woi. 25 Rota rota la m'ndi m'elsi yé; kaglo ndi ré nö, tajigla ré woi tö, lon ngékwoig a on ndi Ngwon Luḅah; inñ a on dö ta telin kumkajir. 26 Kitö tit ki Bob ndi'n ki kumkajir kamnt kidön yé, titbè tö la ad Ngwon'n ndi'n ki kumkajir kamnt kidön ho yé; 27 ada tog kad gang'n ta tö, kitö i Ngwon-dé. 28 Ot kadin yasi dö inñinten; kitö kaglo ndi ré nö, lon dég

inñ ton kam ḅadgt a on dö ndia, 29 a tén tö. Ngéramajg a ḅain kitökad ndin ki dödi doñ; na ngéramajg a ḅain kitökad gangin ta dödit.»

Ngémanajg inñ man naj dö Jésum

30 «M'ra tog kun nya mad kidöm m'ra al, na tit ki m'ndi m'o'n dö ro Luḅaht yé, titbè tö la m'gang'n ta ho yé. Takigang ki m'gang i gorobat, kitö m'ndi m'ra kigo ndigt lom al, na kigo ndigt lo Ngèlam. 31 Inla m'ndi m'a naj dö romt a nè, naj lom i naj kirota al. 32 Kimad ndi nö, ndi mam naj; m'ger naj ki ndi mam i rota. 33 I lan kiro Jeant, na in ma naj dö rotat. 34 Na naj ki m'ta i koki ro dégt al. Na m'ndi m'el ta inñ kitökad ajin nè. 35 Jean i tit lampe in ndan hort ad unñ njoijoi; i ndigin ra ronel kunjat ngwon sip tö. 36 Na m'ndi ki najkima mad ki toi ki lo Jean; kitö killàg inñ inñ m'ndi m'ra, ndi mamin naj Bob la lam yé. 37 Bob ki ngèlam tö, mam naj. Inñ i on dö ndia nja kira al, i on takuma nja kira al tö. 38 Ta loa to kamsit al kitö adin rota Luḅah ki ngèlaa al. 39 I ndi ndior-kam Maktubt lo Luḅah, kitö on a annan, i ndin ki kumkajir kimḅañ kinöt kikam Maktubt inñ, na Maktubt inñ i ngèmam-naj yé. 40 Titbè ká a nè, i ndigin ré romt kad i ngahn kumkajir kijéjé al.

41 M'ta kossgön koki ro dégt al. 42 Na m'gersi, i ndin ki tar Luḅah kamsit al. 43 M're kam tö Bobmt, na i hömin kirost al; na inla dé kirang ré kam tönt ki koss dön a nè, inñ la a i höna kirost yé. 44 Titḅain a i ran tog kad rota, inñ ki i ndi ossin gön'n, na i sahn kossgön ki ré koki ro Luḅaht kirabèdo al a? 45 Ot kon kannan, m'a m'un dösi ro Bobt, ngèkundösi ndi nö, ad i Moïse in i ndan kamsi döat. 46 Ni adin rota Moïse a nè, ni a admin rota ho, kitö Moïse ndang ta da'n döm. 47 Na inla adin

5:29 Dan 12:2

5:33 Jean 1:19-27, 3:27-30

5:37 Mat 3:17; Marc 1:11; Luc 3:22

rota ta kindang loa al a nè, titbain a adin rota takelm a?»

Jésus ad dég dubumi san nya

(O Matthieu 14:13-21, Marc 6:30-44, Luc 9:10-17)

6 Go nyagt intén, Jésus aou gid bahbo Galiléet, ad i bahbo Tibériade. ² Kooss dég on nyakojg inñ Jésus ra dö ngérotogt ad a ndulon goa. ³ Jésus al dö mbalbot, ndi ber tit nu nat ki ngéndoog lon. ⁴ Na Pâque i nderbè, ad i fête lo Juifg. ⁵ Lon Jésus un kumn kidon o'n kooss dég ndi rén kidönt yé, el Philippe an: «Koki rah j'a ki ndugo pain kad dég inñ san a?» ⁶ Jésus el ta intén kad nan'n Philippe n'o; kitö in kibé kidön ger nya'n a ra. ⁷ Philippe tur an: «Dé a ndugo pain ki ass gursu in dé a ngah lon ra killà ndö bujo j'ad'di kad dé kirei ngah tenten ká'a, ass al.» ⁸ Kikira ku ngéndoogt loa, ad i André ki ngwonkon Simon Pierre, ela an: ⁹ «Ngwon kidinga mad ndi nè, ndi ki pain ki ra ki nyako l'orge mi, ki kanj jo tö, na nyag inñ i ri kitö dég kingain titbè a?» ¹⁰ Jésus el an: «Adin dég ndin ber!» Loatinön mu kimbool i tit ngain. Ta a nè, dékidingag ndin ber, assin dubumi. ¹¹ Jésus öi pain inñ, ra merci Lubah, ad dég inñ ndin ber; kegdi kanj titbè tö kigò ndigt in kamdi ndig la ad'di yé. ¹² Lon san nya ndanin woi yé, el ngéndoog lon an: «I kaouin budnyag ki nain kinat, kitökad nya mad nuj al!» ¹³ Kitö intén kaouin nè kinat tö ho, öin bud pain ki ra ki nyako l'orge mi inñ ki nain kinö dégt inñ san, rooss keh kilah gidaijo.

¹⁴ Lon dég on nyakoj in Jésus ra yé, annan: «Rota, dé inñan i ngékelta ki ta Lubah inñ ki ngéré döningt ká nö.» ¹⁵ Jésus ger ndi ran lo ré kad hön'n ki lo ngétogt ki ndan'n ngart, ad or ron kö kikiranbè, aou dö mbalbot.

Jésus ndia dö bahbot

(O Matthieu 14:22-33, Marc 6:45-52)

¹⁶ Lon lo sol woi yé, ngéndoog loa riss aouin ta bahbot, ¹⁷ andin kam

to't, ndi gangin bahbo kitö kaou bébo Capernaüm. Til dib woi, na Jésus ré rodit al baitö. ¹⁸ Nel la ki togn ad man bahbo hai ngain. ¹⁹ Lon nelin to ass kilomètre mi ké mehen yé, on Jésus a ndia dö man bahbot, a ré kidö to't, ad boolin. ²⁰ Na Jésus eldi an: «I min, ot boolin!» ²¹ Kitö intén ndigin kuna kikam to't; tentenbè to té ta kumka't ki ndi aouint.

Dég sahn go Jésus

²² Loti go't, dég kooss inñ nainin gid bahbot ko nu yé, on to mad tit nu al, na kikira in ngéndoog lo Jésus andint yé tañ. An Jésus and kam to't inñ nat ki ngéndoog lon al, na ngéndoog kikiradibè la aouin yé. ²³ Na to madg rén koki Tibériadet nderbè kikad lo't in Brahé ra'n merci Lubah kitö pain ad dég san. ²⁴ Lon dég kooss on Jésus nöbè al, ké ngéndoog loa yé, inñ kibég kidödi andin kam to'gt, aouin bébo Capernaümt, sahn go Jésus.

Jésus i nyasa ki ngékad kumkajir

²⁵ Lon ngahna gid bahbot yé, elina annan: «Rabbi, dökad ki ri i ré nèbè a?» ²⁶ Jésus turdi an: «Rota rota la m'ndi m'elsi yé; i ndi sahn gom kitö ko ki i on nyakojg al, na kitö sa ki i san pain i ndanin. ²⁷ Ot ran killà kitö nyasa in ndi nuj, na ran killà kitö nyasa ki to kinönt ki kumkajirt kimban kinöt, in Ngwon-dé a adsi! kitö in la Bob ad i Lubah merkéa ki merké ki oj dö tog lon kidöat. ²⁸ Kitö intén elina annan: «Ká ki ra ri kad ki ra'n killäg lo Lubah a?» ²⁹ Jésus turdi an: «Killà lo Lubah laten: ki i adin rota dé'n Lubah laa.» ³⁰ Na elina annan: «Nyakoj ki ri a i ra kitökad ki j'o j'ad'n rota a? Ri a i ra a? ³¹ Bobjig kimari san nyasa ki töa i *manne kam kort; tit ki ndangin nè kam Maktubt, "ad'di nyasa ki ré koki don döran san."» ³² Kitö intén Jésus eldi

an: «Rota rota la m'ndi m'elsi yé; Moïse adsi nyasa ki ngèrè koki don dōraṅt al; na Bobm la ndi adsi nyasa ki ngèrè koki don dōraṅt yé, ad i nyasa kijéjé. ³³ Kitō nyasa ki Luḅah ndi ad dé yé, i ngèriss koki don dōraṅt, i ngèkad kumkajir dég ki dōningt nè.» ³⁴ Kitō iṅten elina annan: «Brabé, ad'ji nyasa inōn kindōgndōgbè!» ³⁵ Jésus eldi an: «Miṅ la miṅ nyasa ki ngèkad kumkajir yé; dé'n ndi ré romt a nè, ɓo a oṅa gog al kinōt; dé'n ndi adm rota tō a nè, kinda a oṅa gog al kinōt tō.

³⁶ Na m'elsi, ké o'min woi ká a nè, i adin rota al. ³⁷ Dég tubè iṅgin Bobm ndi adm di a rén romt; dé'n ndi ré romt a nè, m'a m'tuḅa kō al kinōt; ³⁸ Kitō m'riss koki don dōraṅt, kad m'ra kigo ndigt lom al, na kigo ndigt lo Ngèlam. ³⁹ Iṅten la i ndig lo Ngèlam, kad kikirā ku iṅtin adm di té jimt so al, na ki m'ada ɓai lo kwoit kam ndōt kidōboit. ⁴⁰ Kitō nya ki Bobm ndig laten: ndig kad dé kirei'n ndi o Ngwon, ndi ada rota tō a nè, ki ngah kumkajir kimbaṅ kinōt; miṅ tō m'a m'ada ɓai lo kwoit kam ndōt kidōboit.»

⁴¹ Kita ta iṅten Juifg nyurin nè dōat, kitō kel ki el an; niṅ la niṅ nyasa ki riss koki don dōraṅt yé. ⁴² Elin tō annan: «Ké dé indin i Jésus ki ngwon Joseph in ki ger boba ki koṅa yé al é? Titbaṅ tajigla ndi el an; n'riss koki don dōraṅt a?» ⁴³ Jésus turdi an: «Ot nyurin ta kinasit! ⁴⁴ Dé ki ra tog ré romt goto, na iṅla Bob ki Ngèlam ora taṅ; miṅ tō m'a m'ada ɓai lo kwoit kam ndōt kidōboit. ⁴⁵ Ngèkelta ki ta Luḅaht ndaṅgin ta iṅten kam maktubgt lodi; "iṅn tubè a iṅn ngédoonya ro Luḅaht." Dé kirei'n nel mbin kiro Bobt, na ndoo nya roat tō a nè, ndi ré romt. ⁴⁶ Dé mad ki o Bob ki kumn bè goto, na in haṅ ré kokiro Luḅaht kirabè taṅ, iṅ la o Bob yé.

⁴⁷ Rota rota la m'ndi m'elsi yé; dé'n ndi adm rota a nè, ndi ki kumkajir kimbaṅ kinōt. ⁴⁸ Miṅ nyasa ki ngèkad dég kumkajir. ⁴⁹ Bobsig san nyasa ki tōa i manne kam kort, na

woin. ⁵⁰ Nyasa ki ngèriss koki don dōraṅt yé, dé ki sa nyasa iṅten a woi al. ⁵¹ Miṅ nyasa kikumkajir ki ngèriss koki don dōraṅt. Iṅla dé mad ndi sa nyasa iṅten a nè, ndi kumkajir mbaṅ kinōt; nyasa ki m'a m'ad i daṅrom ki m'a m'ad kitōkad dég ki dōningt ndin nè kumkajir.»

⁵² Kitō iṅten Juifg gakin nè na, annan: «Titbaṅ dé indin ra tog kad'ji daṅn kad ki sa a?» ⁵³ Jésus eldi an: «Rota rota la m'ndi m'elsi yé; iṅla i ndi san daṅ Ngwon-dé, ndi aiṅin mossa al tō a nè, kumkajir goto kamsit. ⁵⁴ Dé'n ndi sa daṅm ndi aiṅ mossm tō a nè, ndi ki kumkajir kimbaṅ kinōt; m'a m'ada ɓai lo kwoit kam ndōt kidōboit tō. ⁵⁵ Kitō daṅm i nyasa kijéjé, mossm tō i nyakaṅ kijéjé. ⁵⁶ Dé'n ndi sa daṅm, ndi aiṅ mossm tō a nè, ndi kikammt, miṅ tō m'ndi kikamat. ⁵⁷ Tit ki Bob ki ngèkumkajir lam'n yé, m'ndi kumkajir kitakul Bob tō; titbè tō la dé'n ndi sam a nè, dé inōn ndi kumkajir kita-kulm. ⁵⁸ Iṅten la i nyasa ki ngèriss koki don dōraṅt yé; i tit ki nyasa ki kasig san na woin nō al. Dé'n ndi sa nyasa iṅten a nè ndi'n kumkajir mbaṅ kinōt.» ⁵⁹ Jésus el tag inōn kam kuj kaounat lo Juifg, lon ndoo'n dég kam ɓébo Capernaūmt.

Takei Jésus i Ndil, i kumkajir tō

⁶⁰ Lon on dō ta iṅten yé, dég ngaiṅbè ku ngédoogt loa elin annan: «Ta iṅten ngang dum; nō ra tog ko dō a?» ⁶¹ Na Jésus ger kamnt ngéndoog loa ndi nyurin dō tat inōn, eldi an: «Ta iṅten rasi ad i ndigin tel kigog a? ⁶² Ká'n iṅla on Ngwon-dé ndi aou don dōraṅt londiat kimari yé? ⁶³ Ndil la ndi ad kumkajir yé, daṅro ass ta nya mad al. Tag ki m'ndi m'elsi i Ndil, i kumkajir tō. ⁶⁴ Titbè ká a nè, kimadg ndin kusit la iṅgin ndi adin rota al. Kitō Jésus ger lo ya-ɓoodat nu ké nōg ndi adin rota al; ger dé'n a lan ji madngétagt tō. ⁶⁵ El

tö an: «Kita inten la m'elsi'n yé, dé mad ki ra tog ré romt goto, na inla Bob ada tañ.»

66 Kita ta inten dég ngainbè ku ngéndoogt loa torin nè rodi kigog, aouin sia gog al ta. ⁶⁷ Kamla Jésus el ngéndoog lon kikilah gidaijo an: «I ndigin kaou ho?» ⁶⁸ Simon Pierre tur an: «Brabé, ká ki j'aou ro nót a? In la i ndi ki ta kumkajir kimban kinót yé. ⁶⁹ Jin tö j'ad rota woi, ki ger koikoi tö in Ngèkunjrang lo Luḅah». ⁷⁰ Jésus turdi an: «I miñ m'mbedsi kikilah gidaijo al é? Na kikira kusit i ngédiabé.» ⁷¹ Ndi el ta lo Judas ngwon Simon Iscariote, kitö in la a laa ji madngétagt yé, i kikira ku kikilah gidaijot.

Jésus el ta ki ngankonn

7 Go nyagt inten, Jésus a la go log kam döning Galiléet; ndig la go log kam döning Judéet al, kitö Juifg sahn rob tola. ² Fête lo Juifg, ad i *Fête Kuj-kamg i nderbè. ³ Ngankona elina annan: «I bai nèbè, aou döning Judéet kitökad ngéndoog loi on killäg ki i ndi ra! ⁴ Kitö dé ki ra nya gid tilt goto, lon in kibé kidon ndig kad dég gerin'n tiga wang. Tit ká'n han i ndi i ra'n nyag inten a nè, oj roi ad dég ki döningt nè on.» ⁵ Kitö ké ngankona ká a nè, adina rota al. ⁶ Jésus eldi an: «Kaglo lom ré al baitö, na in ta a nè, kaglo losi ass kindög-ndögbè. ⁷ Dég ki döningt nè ran tog koss'si ta al; na miñ la ndi ossmin ta yé, kitö m'ndi m'ma naj kidödit, m'an, killäg lodi i kimajal. ⁸ I aouin fête nyasi; na miñ m'a m'aou fête al baitö, kitö kaglo lom ass al baitö.» ⁹ Jésus eldi ta inten, ndi döning Galiléet.

Jésus aou *fêtet kam bëbo Jérusalem

10 Na lon ngankona aouin *fête woi yé, kamla in kibé aou ho yé. Aou tiga wang al, na tit ki gid tilt bë tañ. ¹¹ Juifg sahna lo fêtet, annan: «I rah a?» ¹² Nyur kingutngut bai ki dég

koossigt döat; kimadg annan, i dé kimaj; kimadg tö annan, bë al na ndi ung kooss dég mut ta kung. ¹³ Titbè ká a nè, dé ki kel ta loa ki kam kimissmiss tiga wang goto, kita ðool Juifg.

14 Na lon té'n fêtet yé, Jésus aou kam kuj ndub Luḅaht, rà ndoo dég. ¹⁵ Taa ya Juifg ad annan: «Dé indin ndoo nya nja kira al, titbain ger maktub wa?» ¹⁶ Kitö inten Jésus turdi an: «Nyandoo ki m'ndi m'ndoo dég yé, i lom al, na i lo Ngèlam. ¹⁷ Inla dé mad ndig ki n'ra go ndigt lo Luḅah a nè, in la a ger ké nyandoo lom ki m'ndi m'ndoo dég i koki-ro Luḅaht, ké m'ndi m'un kidöm m'el. ¹⁸ Dé ki ngèkun ta kel kidön a nè, kossgön ki koss dön la ndi sah yé; na dé ki ndig kad ngèlaa ngah kossgön a nè, dé inön i dé kiro, nya mad kidannaseou-al goto roat. ¹⁹ Ké Moïse adsi Mberkinda al é? Na dé kikira kusit ki ra kigo Mberkindat goto. Kitöri bai i ndi sahn nè rob tolm a?» ²⁰ Dég koossigt turina annan: «Ndil kimajal i kamit; nõ sah rob toli a?» ²¹ Jésus turdi an: «Killä kikiran m'ra, la taa ndi yasi tubé yé. ²² Moïse adsi *gajkija; i koki-ro Moïset al, na i koki-ro bira bobgt tañ, kita inten la i ndi jan nè gaj dé ki ndö takò yé. ²³ Inla jan gaj dé ki ndö takò kitökad toi dö Mberkinda lo Moïse al a nè, kitöri bai i ndi ran nè wong dömt, kitö kad ki m'ad dé lafia kitaagbè ki ndö takò a?» ²⁴ Ot gangin ta kigo ko takumt, na na gangin ta kigorobat!»

Jésus i Messie wa?

25 Kitö inten dég madg ku ngéndi bëbo Jérusalem elin annan: «Ké indin i dé'n sahn rob tola al é? ²⁶ On! ndi el ta ki kam kimissmiss tiga wakis, na elina ta mad al. Rota, mbaibég gerin takina i Christ wan? ²⁷ Na jin ki ger lo in dé indin té't, na lon Christ ré a nè, dé ká ger ko lo in té't goto.»

6:68-69 Mat 16:16; Marc 8:29; Luc 9:20
7:2 Lévi 23:34; Deut 16:13
7:22 Ya 17:10; Lévi 12:3
7:23 Jean 5:9

28 Lon Jésus ndi ndoo dég kam kuj ndub Luḃaht yé, ko ki ndin kibo an: «I germin a? I gerin ko lo ki m'té't tō a? M'ré ki dōm al, na Ngèlam i ngèrota; i gerina al. ²⁹ Miñ m'gera; kitō m'té ko roat, in la lam tō yé.» ³⁰ Kitō inṭen sahn nè rob hōa, na dé ki nda jin dōat goto, kitō kaglo loa ass al ḃaitō. ³¹ Titbè ká a nè, dég ngaiñbè ku koossḡt adina rota, annan: «Lon Christ ré a nè, a ra nyakojḡ ki toi inḡinten inṭen dé inṭan ndi ra a?»

Pharisig lan gardeg kad hōn Jésus

32 Pharisig on dō kooss déḡ ndi elin ta nyag inōn ki ndidi kiber kidō Jésus yé; ad ngéjamosskadhari kibog ki Pharisig lan gardeg kad hōna. ³³ Kitō inṭen Jésus el'n an: «M'a m'ndi nat sési ndō tenbè ḃaitō, kamla m'a m'aou ro Ngèlamt yé. ³⁴ A i sahmin, na a i ngahmin al; lo ki m'a m'ndit yé, i ran tog kaout al.» ³⁵ Kitō inṭen Juifḡ elin nè na kinadit annan: «Dé inṭan a aou lo ki rah han j'a ki ngaah al a? Ká a aou ro Juifḡt ki tinn'na ku Greḡt ki n'ndoo Greḡt é? ³⁶ Gir ta inṭen i ri in el an; j'a ki saah na j'a ki ngaah al; lo in inṭ, ki ra tog kaout al a?»

Ta dō bahḡt ki man kumkajir

37 Dō ndōt kidōboit, ad i ndō kibo lo fète, Jésus ḃai rà dōn, ko ki ndin kibo, an: «Inla kinda on dé mad a nè, ki ré romt, ki aiñ! ³⁸ Dé'n ndi adm rota a nè, kokamat la bahḡ ki man kumkajir a tént yé, tit ki ta kikam Maktubt el'n.» ³⁹ Jésus el ta inṭen da'n dō Ndil kikunḡrang in ngékada-rota a tan; kitō ad Ndil al ḃaitō, kitō Jésus aou dōn ta koossḡn al ḃaitō.

Dég koossḡ gangin'na jo dō tat lo Jésus

40 Kitō inṭen, déḡ madḡ ngaiñbè ku koossḡt, lon on dō ta inṭen yé, elin annan: «Rota, dé inṭan i ngékelta ki ta Luḃaht ká nō.» ⁴¹ Kimadḡ annan: «Inṭan i Christ.» Na kimadḡ annan: «Hai! Christ a té koki dōning Galiléet é? ⁴² Ta kikam Maktubt an, Christ a

té kokam nganka Davidt ki bé Bethléhemt tō, ad i ngwon bé ki David ndit mari yé al é?» ⁴³ Kitō inṭen déḡ koossḡ gangin'na jo dō tat loa. ⁴⁴ Kimadḡ kudit ndigin hōa, na dé ki nda jin dōat goto.

Mbaibég lo Juifḡ mbatin kadrota ta lo Jésus

45 Gardeg tel rén ro ngéjamoss-kadhari kibogt ki Pharisig. Inṭen tō elindi annan: «Kitōri i rén nè sia al a?» ⁴⁶ Gardeg turin annan: «J'o dé ki ngékel ta titbè nja kira goto.» ⁴⁷ Pharisig turindi annan: «Mbañ inṭen tō, i son mut é? ⁴⁸ Kimadḡ ndin nō ku mbai-béḡt ké ku Pharisig inṭen adina rota a? ⁴⁹ Na déḡ koossḡ indin inṭen gerin Mberkinda al yé, ndol i dōdit.» ⁵⁰ Nicodème, in aou ro Jésus ndō mari i kikir kudit yé, eldi an: ⁵¹ «Mberkinda loji ndi gang ta dō détt ketté kanj ko ta ki taat, kanj ger nya in ndi ra a?» ⁵² Turina annan: «Inṭen tō dé ki dōning Galiléa? I ndio kam Maktubt, o ngékelta ki ta Luḃaht ki té koki dōning Galiléet goto.»

⁵³ Dé kirei ká un rob ki bé lon.

Ta lo dékiden ki ngèhō-maru

8 Jésus aou dō mbalbot. ² Kisiñ rititi tel ré and kam kuj ndub Luḃaht gog. Déḡ tubè rén roat. Jésus ndi ber, ndi ndoodi. ³ *Ngé-ndoo-maktubḡ ki Pharisig rén ki dékiden mad in hōna ki ngau, adina rà dandit, ⁴ kamla elin Jésus annan: «Ngéndoo-dég, dékiden inṭan yé, hōna dō ḃit ki ngau. ⁵ Moise ndaji mber kam Mberkindat loa kad ki tila dékiden kitit inṭan bé ki mbal; na in, an ri a?» ⁶ Elin ta inṭen kad hōna nè ki ta, kitōkad ngahn nè lo kun dō Jésus. Na Jésus ned kiber, ndang nya mad dōningt ki ngwon jin. ⁷ Na lon

7:37 Lévy 23:36

7:38 Es 44:3

7:42 Mic 5:1

7:50 Jean 3:1-2

8:5 Lévy 20:10; Deut 22:22-24

ndi ndijèna kidòtdòt yé, sira ron kidon, eldi an: «Dé'n ra majal nja kira al kusit a nè, ki laa ki mbal kidassa!»⁸ Tel ned kiber, ndang dö ningt ki ngwon jin gog baitö. ⁹ Lon on dö ta inten yé, dég inön tén kira kira mban gira dö kibogt mban ki kidöboit, na nyan Jésus kikiraabè ki dékiden inön tö lo't in rà dandit ketté. ¹⁰ Kamla Jésus sira ron kidon, ela an: «Ngékundöi inñ rah a? Dé ki hõ ki ta goto a?» ¹¹ Dékiden tur an: «Goto, Brabé.» Jésus ela an: «Min tö, m'hõ ki ta al, aou! na ot ra majal gog ta!»

Jésus i kunj dég ki döningt nè

12 Jésus tel eldi ta an: «Min la min kunj dég ki döningt nè yé, dé'n ndulo gom a nè, a ndia kam tilt al kinöt, na a ngah kunj kumkajir.» ¹³ Kitö inten Pharisig elina annan: «I ndi ma naj dö roit, najkima loi i rota al.» ¹⁴ Jésus turdi an: «Ké neni m'ma naj dö romt ká a nè, najkima lom i rota; kitö m'ger lo ki m'té't ki lo ki m'ndi m'aout. Na i gerin lo ki m'té't al ké lo ki m'ndi m'aout. ¹⁵ I ndi gangin ta kigo danrot, na min m'ndi m'gang ta dö dét mad al. ¹⁶ Ké neni m'ndi m'gang ta ká a nè, takigang lom i rota, kitö min kikirambè al na Bob ki ngèlam i nat sém. ¹⁷ Ta inten i kidang kam Mberkindat losi: "najkima lo dég kijo i rota." ¹⁸ Min m'ma naj dö romt, Bob ki ngèlam ndi ma naj dömt tö.» ¹⁹ Kita inten ndijèna annan: «Bobi i rah a?» Jésus tur an: «I gerin ké min ké Bobm al. Neni germin a nè, neni i gerin Bobm ho.»

20 Jésus el tag inön lon ndi ndoo'n dég kam kuj ndub Lubaht, lo sanduk nart. Na dé ki hõa goto kitö kaglo loa ass al baitö.

Jésus el dég an, n'ndi n'aou lo't in dég inön ran tog kaout al

21 Kitö inten Jésus tel eldi an: «M'ndi m'aou, a i sahmin, na a woin kam majalt losi. Lo ki m'ndi m'aout i ran tog té't al.» ²² Kita ta inön Juifg annan: «A tol ron a? kitö el an, lo ki n'ndi n'aout ki ra tog té't al.» ²³ Jésus

eldi an: «Inñ kiber, min kidon. Inñ ki döningt inñan, min ki döningt inñan al. ²⁴ Kitö inten la m'elsi'n m'an, a woin kam majalt losi yé; kitö inla adin rota "Min la i min" al a nè, a woin kam majalt losi.» ²⁵ Ndijèna annan: «Inñ nõ a?» Jésus turdi an: «Min dagro inön in m'elsi lo yaboodat nu. ²⁶ M'aou ki tag ngainbè kikad m'el dösit ki tag ngainbè kikad m'gang dösit tö; na Ngèlam i ngèrota; nyag inñ m'o taat, nyag inön la m'ndi m'el dég ki döningt nè koon yé.»

27 Dég on i ta lo Bob hap el al. ²⁸ Kitö inten Jésus el'n an: «Lon a unin Ngwon-dé kidon woi, kamla a i gerin koikoi "Min la i min" yé, a i gerin m'ndi m'un kidöm m'ra al; na tit ki Bob ndoom'n titbè tö la m'ndi m'el'n ta yé. ²⁹ Ngèlam i nat sém tö, nyam kikiram al; kitö m'ndi m'ra nyag ki nela kindögbè.» ³⁰ Lon ndi el tag inön baitö yé, dég ngainbè adina rota.

Jésus el ta dö ta nya don't dö ra bert lo majal

31 Kamla Jésus el Juifg inñin adina rota an: «Inla i ndin kikam tat lom a nè, inñ ngéndoog lom kirola, ³² a i gerin rota, rota tö a ta nyasi don. ³³ Turina annan: «Jin nganka Abraham, ki ra ber lo dé mad nja kira al; titbain i ndi el an, a ta nyajin don a?» ³⁴ Jésus turdi an: «Rota rota la m'ndi m'elsi yé, dé kirei'n hõ ra majal a nè, i ber lo majal. ³⁵ Ber ta, ndi kikam kujt mban kinönt al; ngwon la a ndit mban kinönt yé. ³⁶ Titbè tö la, inla ngwon a ta nyasi don a nè, a i ndin ki ta nya don kirola. ³⁷ M'ger inñ nganka Abraham, na i ndi sahn rob tolm, kitö ta lom ngah lo kamsit al. ³⁸ M'el ta nya'n m'o ro Bobmt; na inñ i ndi ran nya'n on dö kokirola bobsit.»

39 Turina annan: «Bobji i Abra-

8:12 Mat 5:14; Jean 9:5

8:13 Jean 5:31

8:33 Mat 3:9; Luc 3:8

ham.» Jêsus eldi an: «Nêni iñ nğan Abraham a nè, a i ran killàg iñ Abraham ra. ⁴⁰ Na tajigla i ndi sahn rob tolm, miñ dè'n m'elsi rota, in m'o ro Lubaht. Abraham ra bè al. ⁴¹ I ndi ran killàg lo bobsi.» Elina annan: «Ooj'jin kigo bent al; bobji i kira ad i Lubah.» ⁴² Jêsus eldi an: «Nêni Lubah i Bobsi a nè, ni i tarmin kitö m'té kam Lubaht la m're yé; kitö m're kidöm al, na iñ la lam yé. ⁴³ Kitöri i gerin nè gir takelm al a? Kitö i ran tog kon dö ta lom al. ⁴⁴ I tén kokiro bobsit ad i Diable, i kigo ndigt losi kad i ran kigo nyurkongt lo bobsi. Bobsi i ngétol-dég lo ya- hoodat nu, rà dö rotat al, kitö rota goto kamat. Lon ndi el takibal a nè, ndi un kidön, kitö i ngétakibal. ⁴⁵ Na miñ i admin rota al kitö m'ndi m'el rota. ⁴⁶ Nö kusit la ra tog köm ki ta dö majalt a? Iñla m'ndi m'el rota a nè, kitöri admin nè rota al a? ⁴⁷ Dé'n i lo Lubah a nè, ndi o dö ta lo Lubah. Kitö iñten la on nè dö al yé, kitö iñ lo Lubah al.»

Jêsus i kibo toi Abraham

⁴⁸ Juifg turina annan: «J'el goot hañ j'an iñ dé ki Samarie, ndil kimajal i kamit tö al é?» ⁴⁹ Jêsus tur an: «Ndil kimajal goto kammt, na m'ndi m'oss gön Bobm ta koss, na i ndi lan rosol dömt. ⁵⁰ Miñ m'ndi m'sah kad m'ad töm ko miñ kibé al, Ngèsaah ndi nö, ndi gang ta tö. ⁵¹ Rota rota la m'ndi m'elsi yé; iñla dé ngonm go ta lom a nè, a o kwoi ki nja kira al bat.» ⁵² Juifg elina annan: «Tajigla ki ger jéjé ndil kimajal i kamt. Abraham woi, ngékelta ki ta Lubaht tö woin; na i ndi el an, iñla dé ngonm go ta loi a nè, a o kwoi ki nja kira al bat. ⁵³ Ké iñ kibo toi bobji Abraham in woi a? Ngékelta ki ta Lubaht woin tö. I tel roi nö't a?» ⁵⁴ Jêsus tur an: «Iñla m'ndi m'ad töm ko miñ kibé a nè, töko lom i nya kikari, Bobm la ndi ad töm ko yé, Iñ in i ndi kunina Lubah losi. ⁵⁵ I gerina al; na miñ m'gera maj. Iñla m'an, m'gera maj al a nè, m'a miñ ngétakibal titsi; na m'gera maj,

m'ndi m'ngonm go ta loa tö. ⁵⁶ Bobsi Abraham ba ta kul kitökad a o ndöm, na oa, ra ronel döt tö.» ⁵⁷ Juifg elina annan: «I ra bal dömi al baitö yé, la o Abraham ki gé é?» ⁵⁸ Jêsus eldi an: «Rota rota la m'ndi m'elsi yé, lon oojin Abraham al baitö, “Miñ” nö.» ⁵⁹ Kitö iñten öin mbalg kad tilana nè, na Jêsus ya ron, té kam kuj ndub Lubaht kö.

Jêsus ad mundo o lo

9 Jêsus ndi toi, o dé mad in oojina ki mundo. ² Ngendoog loa ndij- èna annan: «Rabbi, nö ra majal hañ ad oojin nè dé indin ki mundo, iñ ké ngékoojag a?» ³ Jêsus tur an: «Dé indin hañ ra majal al, ké ngékoojag, na i mundo kitökad tog killà lo Lubah té kamat ad dég on. ⁴ Kari na m'a m'ra killàg lo Ngèlam lon kàd ra'n kari baitö; lo kidib ndi ré, in dé ra tog ra killàt al. ⁵ Lon miñ döningt baitö yé, miñ kunj dég ki döningt.» ⁶ Lon el ta iñten yé, tib hortan döningt, löi'n bor, kamla or bor inön kum mundot yé, ⁷ el an: «Aou, tugo kumi kam kart ki töa i Siloé!» (Gir ta Siloé i titbè; I ki la ta la.) Mundo inön aou tugo kumnt, tel ré ndi o lo.

⁸ Madbéag ki dég iñ on mari i ngékönya yé, annan: «Ké iñ kà'n hañ ndi ber ndi kö nya ká nö al a?» ⁹ Kimadg annan: «I roa ki roa.» Kimadg tö annan: «A'a, i dé ki titna sia.» Na iñ kibé el an: «I miñ.» ¹⁰ Kitö iñten elina annan: «Titbain tén nè kumi a?» ¹¹ Tur an: «Dé kà'n hañ a kunina Jêsus nö la, löi bor, or kummt, na elm ki m'aou Siloé, ki m'tugo kumm. Ta a nè, m'aou m'tugo tit, m'ngah ko lo.» ¹² Elina annan: «Dé inön i rah a?» El an: «M'ger al.»

Pharisig nderin gir ta lo mundo in ngah ko lo

¹³ Dé'n i mundo mari yé, aouin sia ro Pharisigt. ¹⁴ Ndö ki Jêsus löi bor,

té'n kuma yé, i ndö takò. ¹⁵ Kitö inñen Pharisig tel ndijèna nè titbain ngah'n ko lo. Eldi an; or bor kumnt, n'tugo, na n'ndi n'o lo. ¹⁶ Dö tat inñon kimadg ku Pharisigt annan: «Dé inñon i kokirotu Luḃaht al, kitö ngonm go ndö takò al.» Na kimadg annan: «Titbain dé ki ngèramajal ra tog ra nyakoig kitit inñon a?» Kitö inñen gangin nè na jo. ¹⁷ Kamla tel ndijèn mundo annan: «Inñ yé, ta loi i ri döat, tit ká'n hap té'n kumi yé a?» Tur an: «I ngèkelta ki ta Luḃaht.»

¹⁸ Titbè ká a nè, Juifg adin rota i mundo kimari hap ngah ko lo al, mban ad kunin ngékooj dé inñon in ngah ko lo kamtañ. ¹⁹ Ndiñendi annan: «Indin yé, i ngwonsi ká'n hap annan oojina ki mundo ká la a? Titbain ndi o lo tajigla a?» ²⁰ Ngékoojag turin annan «Ki ger indin i ngwonji, oojina ki mundo tö; ²¹ na titbain ndi o lo tajigla, ki ger al; ké ngèté kuma tö, ki gera al. I ndijèna kidöa, i dé ki tog gang; ki el ta lon kidön.» ²² Ngékoojag elin tag inñon kitö ndi ḃoolin; kitö Juifg ndan tadi nat ketté woi; inla dé mad el ta kitiga wakis an, Jésum i Christ a nè, ki n'tubana kö kam kuj kaounat lodi. ²³ Kitö inñen ngékoojag annan: «I dé ki tog gang; i ndijèna kidöa!»

²⁴ Pharisig tel kunin dé inñon in i mundo mari kirodit gog ḃaitö, elina annan: «Ad kossgön Luḃah! Jij ki ger dé inñon i ngèramajal.» ²⁵ Tur an: «Ké i ngèramajal ká a nè, m'ger al; nya kirabé la m'ger yé, min mundo, na tajigla m'ndi m'o lo.» ²⁶ Elina annan: «Ra ri séi? titbain té'n kumi a?» ²⁷ Turdi an: «M'elsi woi, na on dö al; kitöri i ndigin ki on nè dö gog tö a? I ndig ki i telin ngéndoog loa ho a?» ²⁸ Tajina mbiting, annan: «Inñ la i ngéndoog loa yé, na jijn, jijn ngéndoog lo Moïse. ²⁹ Ki ger Luḃah el ta ki Moïse, na dé inñon ta, ki ger lo ki té't al.» ³⁰ Dé inñon turdi an: «Añ, inñen i nya kiya la, i gerin lo ki té't al, in tö té kumm. ³¹ Ki ger Luḃah ndi o dö kö lo ngèramajalg al; na inla dé mad nyaraa i kigo lo Luḃaht, ndi ra go

ndigt loa tö a nè, in la Luḃah ndi o dö kö loa yé. ³² Lo-lagiri döningt nu dé ki o hoi dé ki té kum dé'n oojina ki mundo goto. ³³ Inla dé inñon i kokirotu Luḃaht al a nè, ra tog ra nya mad al.» ³⁴ Turina annan: «Oojiin kitaagbè kam majalgt, yéla i ndi ndooji a?» Tuḃana kö.

Dég madg inñ mundo kigo ndilt

³⁵ Jésum o hoi tuḃa ki tuḃana kö. Lon Jésum ndoda yé, ela an: «I ndi ad rota Ngwon-dé a?» ³⁶ Dé inñon tur an: «Braḃé, i nö hap kad ki m'ada rota?» ³⁷ Jésum ela an: «Oa, dé'n rà eli ta nö, i in.» ³⁸ Dé inñon el an: «Braḃé, m'ad rota,» na oss dön ber nõat.

³⁹ Kamla Jésum el an: «Kitö ta kigang la m're'n döningt nè yé, kad inñon on lo al a nè, ki on lo; kad inñon ndi on lo tö a nè, ki telin mundo.» ⁴⁰ Pharisigi madg ki inñ nat sia yé, on dö ta inñen, elina annan: «Jij yé, jijn mundog tö ho a?» ⁴¹ Jésum eldi an: «Nèni inñ mundog a nè, ni majal losi goto, na tajigla i ndi annan, i ndi on lo; kitö inñen majal losi to'n lotont.»

Terta dö ngèngonmbatgt

10 «Rota rota la m'ndi m'elsi yé; dé'n ndi and kinga batgt ki tabit al, na ndi al ki rob kirang a nè, i ngèḃoog ki ngékumrob tö. ² Na dé'n ndi and ki tabit a nè, i ngèngonmbatgt. ³ Ngèngonm tabit ndi té ada; *batgt ndi on dö ndia; ndi kun batgt lon, kirei ki töa, ndi ordi tarob kitiga. ⁴ Lon té ki ki lon'g kitiga tubè woi yé, so nõdit, batgt a ndulon goa; kitö gerin dö ndia. ⁵ A ndulon go mbah al, na kaiñ la a aiñin'na yé; kitö gerin dö ndi mbahg al.» ⁶ Jésum eldi *terta inñen, na gerin gir ta'n ndi eldi nõ al.

Jésum i ngèngonmbatgt kimaj

⁷ Jésum tel eldi an: «Rota rota la m'ndi m'elsi yé, min la min tabit batgt yé. ⁸ Tubè inñen rén nõmt inñ ngèḃoog'g ki ngékumrobgt tö, na batgt on

dö ta lodi al. ⁹ Miñ la miñ tabit yé; inla dé mad and kitakulm a nè, a aj, a and ho a té ho, a ngah lo kuln. ¹⁰ Ngéboog a ré kindang al, na mba boog ki ja kö ki nuj kö tañ. M're kitökad batg ngahn kumkajir, ki ngahna ki majkur döt.

¹¹ Miñ ngéngonmbatg kimaj, ngéngonmbatg kimaj ndi ad ron kitö batg. ¹² Na ngérakilla ki lo nart ki i ngéngonmbatg al, ki batg inñ loa al tö yé; inla o bisskolo a ré a nè, tiñ nya batg, na ain, ad bisskolo ré ur dödit hödi, na tinda tiñdi tö. ¹³ Ngérakilla ki lo nart a ain, kitö i ngérakilla nar, ndi tur go batg al. ¹⁴ Miñ ngéngonmbatg kimaj. Tit in hañ bob germ'n, miñ tö m'ger Bob, titbè tö la m'ger'n ki lomg, lomg tö germin. ¹⁵ M'ndi m'ad rom kitö batg tö. ¹⁶ Maou ki bat madg nö tö, ingin inñ kam kingat inñan al; inginön tö kari na m'a m're sédi, a on dö ndim ho; a inñ hut kira, ngéngonmbdi i kira tö.

¹⁷ M'ndi m'ad rom kad m'tel m'taa, kitö inñen la Bob ndi tarm'n yé. ¹⁸ Dé mad ki tama goto; na miñ kibé kidöm la m'ndi m'ad ki kamndig yé. M'ndi ki tog ki m'ad, m'ndi ki tog ki m'tel m'taa gog tö. Bobm ndam mber ki m'ra nya inñen.»

¹⁹ Kitö inñen Juifg gangin nè na jo gog baitö dö tat inñon. ²⁰ Kimadg ngainbè kudit annan: «Aou ki ndil kimajal, kur döa woi, kitöri ndi on nè dö ta loa a?» ²¹ Kimadg annan: «Tag inñon i takel dé ki ngékaou ki ndil kimajal wa? Ndil kimajal ra tog té kum mundo a?»

Juifg ndigin ta lo Jésus al

²² I dönah kult, i kaglo ra fète ki töa i *Fète Kar kuj ndub Luḅah kam bëbo Jérusalem. ²³ Jésus a ndia kam kuj ndub Luḅah, gir bulot lo Salomon, ²⁴ Kitö inñen Juifg lan'na gugin döa, ndijèna annan: «Mbañ ki nödi ri a i nyaji ki kam ki ra bississ a? Inla i Christ a nè, el i jaji rau!» ²⁵ Jésus turdi an: «M'elsi woi, na adin rota al. Killäg ki m'ndi m'ra kam tö Bobmt inñ la ndi mamin naj yé. ²⁶ Na adin rota



Ngéngonmbatg ki batg lon.

al kitö inñ ki ku batgt lom al. ²⁷ Batg lom ndi on dö ndim, m'gerdi, ndi ndulon gom tö. ²⁸ M'ndi m'ad'di kumkajir kimbañ kinöt; a nujin kö ki nja kira al bat, dé ki ra tog tadi jimt goto. ²⁹ Bobm in admidi i kibo toidi tubè, dé ki ra tog tadi ji Bobt goto. ³⁰ Miñ ki Bobm jin kira.»

³¹ Kitö inñen Juifg tel öin nè mbal ki n'tilana nè. ³² Jésus turdi an: «M'ojsi killäg ngainbè kimaj koki Bobt, na kita killà ri kudit la i ndi tilamin nè a?» ³³ Juifg turina annan: «Kita killà mad kimaj hañ ki ndi ki tilai'n al, na kitö i ndi el takimal dö Luḅah; kitö inñ ki inñ dé i ndi i tel roi Luḅah.» ³⁴ Jésus turdi an: «Ndangin kam Mberkindat losi; "m'el m'an, inñ luḅahg," al é? ³⁵ Ta kikam Maktubt lo Luḅah dum kor kö. Luḅah kun inginön luḅahg ingin ta lo Luḅah ré rodit. ³⁶ Min ta a nè, Luḅah ndam kotko kira, lam döningt tö, na i ndi

elin annan, m'ndi m'el takimal dö Luḃaht, kitö m'an, miñ Ngwon Luḃah a? ³⁷ Inla m'ndi m'ra killäg lo Bobm al a nè, ot kadmin rota! ³⁸ Na inla m'ndi m'ra killäg loa a nè, ké admin rota al ká a nè, adin rota killäg inön! kitökad i gerin koikoi tö, Bob ndi kammt, miñ tö m'ndi kam Bobt.»

³⁹ Kitö inñen sahna ki n'höna; na té jidit kö.

⁴⁰ Jésum tel aou gog gid bah Jourdaint, lo't in Jean ra dégbaptémet dassa. Jésum ndi kitit nu. ⁴¹ Dégbainbè rén roat annan: «Rota, Jean ra nyakoj mad al, na nyag tubè'n Jean el da'n dö dé indin inñ rota.» ⁴² Dégbainbè adina rota ki lo't inön.

Lazare woi

Il Moin ra dé mad in töa i Lazare; bë loa i Béthanie, i bë lo Marie ki ngwonkonñ Marthe. ² Marie ká'n hañ wur Brabé ki yib ki koot mbin, bor danjaa ki bissdön tö la, in la moin ra ngwonkõña Lazare yé. ³ Kitö inñen ngankõña kideng kijo inön lan kiro Jésum, annan: «Brabé, dé'n i tara yé, moin raa.» ⁴ Na lon Jésum o dö ta inñen yé, el an: «Moin inñen i moin ki a té kwoi al, na i kitökad tö Luḃah ko'n kitökad tö Ngwon Luḃah ko kitakula.»

⁵ Jésum tar Marthe ki ngwonkõña kiden ki Lazare. ⁶ Kitö inñen, lon o hoi moin ki ra Lazare yé, ra ndö jo döt tö ki lo't inön. ⁷ Kamla el ngéndoog lon an: «Ad ki tel j'aouin döning Judéet gog!» ⁸ Ngéndoog loa elina annan: «Rabbi, ra ndö kooss al baitö la Juifg sahn ki n'tilain ki mbalg yé, la ki aou gog tö a?» ⁹ Jésum tur an: «Heure i kilah gidaijo kàda al é? Inla dé a ndia kàda a nè, a ga njan gigt al, kitö a o kunj ki döningt inñan. ¹⁰ Na inla dé a ndia ndö a nè, a ga njan gigt kitö kunj goto kamat.» ¹¹ Jésum el ta inñen, kamla eldi an: «Namji Lazare to bi, na m'a m'aou ki m'ndoola dö bit.» ¹² Ngéndoog loa elina annan: «Brabé inla i bi hañ to bi a nè, a yoot.»

¹³ Jésum el ta kwoia; na on a annan, ndi el ta takö ta ta ki lo bit. ¹⁴ Kitö inñen Jésum el jadi rau an: «Lazare woi; ¹⁵ na m'ra ronel kitatösi dö gotot ki m'goto nu, kitökad i adin nè rota; bë ká a nè, ad ki j'aouin roat!» ¹⁶ Dö tat inñen Thomas in a kunina Ndinga yé, el ngéndoog namng an: «Ad ki j'aouin tö ho kitökad j'woi nat ki Brabé!»

Jésum el an inñ ngékad ngékwoig bain, inñ ngékad dégb kumkajir tö

¹⁷ Lon Jésum ré yé, ngah Lazare ra ndö sö kam bait woi. ¹⁸ Bë Béthanie ta, ra kad bëbo Jérusalemnt nderbè ass kilomètre mita. ¹⁹ Juifg ngainbè rén ketté ro Marthet ki Marie kad ki n'ton sédi dö ndubat kita kwoi ngwonkonñi.

²⁰ Marthe ta, lon o hoi Jésum ndi ré yé, aou la taa, na Marie ndi ber kam kujt baitö. ²¹ Marthe el Jésum an: «Brabé, ni i ndi nè a nè, ngwonkonñm woi al. ²² Na m'ger ké tajigla, nya ki ri in a kö Luḃah a nè, Luḃah a adi.» ²³ Jésum ela an: «Ngwonkõñi a bai lo kwoit.» ²⁴ Marthe ela an: «M'ger a bai gog kam *bai-ngékwoigt ndöt kidö-boit.»

²⁵ Jésum ela an: «Min ngékad ngékwoig bain, miñ kumkajir; dé ki ngékadmrota, ké woi ká a nè, a ndi kumkajir. ²⁶ Dé kirei tö ki ngékaou ki dön don, na ndi adm rota a nè, a woi al mban kinönt. Ad rota ta inñen é?» ²⁷ Ela an: «An, Brabé; m'ad rota inñ Christ, Ngwon Luḃah, in ndi ré döningt nè.»

Jésum non

²⁸ Lon Marthe el ta inñen woi yé, kamla aou kun ngwonkonñ Marie kiron gid tilt, el an: «Ngéndoog-dégb ré, rà kuni.» ²⁹ Marie tö, lon o dö ta inñen yé, bai kanangbè, aou roat. ³⁰ Jésum and kam bë't al baitö, na rà lo't in Marthe ndodat nö baitö.

³¹ Kitö inten Juifg ingin ton sia dö ndubat, ndin sia kam kujt, lon on Marie bai kanangbè, té kitiga yé, ndulon goa. Ona annan, ndi aou döbadt, ki n'noñt nu.

32 Lon Marie té lo't in Jésus rà tit, oa tö yé, so ber ki njaat, ela an: «Ni i ndi nè a nè, ngwonkonm a woi al.»

³³ Lon Jésus oa to noñ, ki Juifg ingin rén sia nat rà noñn ho yé, toñ russruss kam ndilnt, ta oñ kama tö.

³⁴ El an: «I lana rah a?» Elina annan: «Brabé, i ré o!» ³⁵ Jésus mbel noñ bitit. ³⁶ Kitö inten Juifg annan: «On tar in tara yé!»

³⁷ Na kimadg kudit annan: «Dé inràn té kum mundo inön al é? Ra tog kad dé inten woi al al é?»

Jésus ad Lazare bai lo kwoit

38 Kitö inten Jésus tel toñ russruss kamnt, aou döbadt. Bad inön i bulombal, mbal mad ut taa tö.

³⁹ Jésus el an: «Unin mbal kö!» Marthe in i ngwonkon dé'n woi nö, ela an: «Brabé, tajigla oot gap kitö ra ndö sö woi.»

⁴⁰ Jésus ela an: «M'eli, inla ad rota a nè a o tog lo Lubah al é?»

⁴¹ Kitö inten unin nè mbal kö. Kamla Jésus un kumn kidon, el an: «Bob, m'rai merci kitö ko in o dö kö lom.

⁴² Na min ta, mari ká a nè m'ger i ndi o dö kö lom kindögbè, na m'el ta inten kita dég koossig inn rà gugin dömràn kitökad adin nè rota in la i lam yé.»

⁴³ Lon el ta inten woi yé, kun nya ki ndin kibobè, an: «Lazare, i té kitiga!»

⁴⁴ Dé'n woi nö, té, jia ki njaa inn ki dö ki kubu-drap; takuma tö i ki dulo ki mindil. Jésus eldi an: «I tutina, i nyana don!»

Mbaijég ojin'na ta kad hön Jésus

(O Matthieu 26:1-5, Marc 14:1-2, Luc 22:1-2)

45 Kitö inten dég ngainbè ku Juifgt inn rén ro Mariet on nya'n Jésus ra, ad adina rota. ⁴⁶ Na kimadg kudit aouin ro Pharisigt, elindi ta nya'n Jésus ra nö. ⁴⁷ Ta a nè, ngéjamosskadjari kibog ki Pharisig kaouin ngékortag kinat, annan: «Ká ki ra ri a? dé inön ndi ra nyakojg ngainbè.

⁴⁸ Inla ki nyaa kari titbè a nè, dég tubè a adina rota; Romaing tö a ré tan lo loji ki girdég loji bè.» ⁴⁹ Na kimad kudit nö, töa i Caiphe, in i bira ngéjamosskadjari balt inön yé, eldi an: «I gerin nya mad kira al.

⁵⁰ Maj kitösi kad dé kira woi kitö dég, kad girdég kitaagbè nujin kö al. I on titbè al é?» ⁵¹ Ta inten, un kidön el al; na kitö i bira ngéjamosskadjari balt inön la ndö'n ndil an, Jésus a woi kitö girdég lodi,

⁵² na kitö girdég lodi han kirabè al, na kitökad kaou ngan Lubah ingin tiñ'n'a kö kam danrot kikira. ⁵³ Dö ndöt inön ojin'na ta kad n'tolina.

⁵⁴ Kitö inten Jésus ndia'n ku Juifgt tiga wakis gog al; na bai lo't inön kö, aou lo't mad nderbè kikad kort, and kam bè't mad ki töa i Ephraïm, nu la ndi't ki ngéndoog lon yé.

55 Fête lo Juifg ki töa i Pâque nain ndö ngainal. Déng ngainbè bain ngan bég aouin bébo Jérusalem ketté nö Fête Pâque't, kad arin rodi.

⁵⁶ Rà sahn Jésus, ràn kam kuj ndub Lubah, rà elin'na ta annan: «On ri a? A ré fête al é?» ⁵⁷ Ngéjamosskadjari kibog ki Pharisig ndan mber kad inla dé mad ger londia a nè, ki té njaat kitökad n'höna.

Marie wur nja Jésus ki yib ki koot mbin

(O Matthieu 26:6-13, Marc 14:3-9)

12 Ndö kimehen ketté nö Pâque't, Jésus ré bé Béthanie. Lazare in Jésus ada bai lo kwoit yé, ndi bè't inön.

² Ran mur lokisolé tit nu kitöa. Marthe rà o godi ki nyasa, na Lazare ndi nat ki Jésus ta nyasat sédi dég madg. ³ Kamla Marie un yib *nard kijanjo ki koot mbin, ki nara i ngain ass nuss litre, wur'n nja Jésus, bor njaa ki bisdön. Kuj tubè, sé yib ki koot mbin assa nak.

⁴ Na Judas Iscariote, in i kikira ku ngéndoogt loa ki a laa ji madngétagt yé, el an: ⁵ «Kitöri ndugon nè yib ki koot mbin indin tan nè gursu in dé a ngah lon

ra killà ndò òumita, kitò kad ngéndo'g al a?» ⁶ El ta inten kitò tur'n go ngéndo'g al; na kitò i ngéboog la el'n yé; kitò òol-nar i jiat, ad a òi nya'n ungin kamt. ⁷ Na Jésus el an: «I nyana ad ngonm nya'n i jiat kitò ndò dubm. ⁸ Kitò ngéndo'g ndin rosit nè kindògbè; na min rosit kindòg al.»

Ngéjamosskadmari kibog sahn rob tol Lazare

⁹ Kooss Juifg on hoi Jésus ndi bë Béthaniét, ad rén kita Jésus kirabè al, na kitò ko Lazare tò in Jésus ad bai ku ngékwoigt. ¹⁰ Na ngéjamosskadmari kibog ojin'na ta tol Lazare tò; ¹¹ kitò Juifg ngainbè nyandi kò, na aou adin rota Jésus kitatò.

Dég ran ronel dò kand Jéusust kam bèbo Jérusalem

(O Matthieu 21:1-11, Marc 11:1-11,
Luc 19:28-40)

¹² Loti go't kooss dég inn rén fête, lon on hoi Jésus ndi ré bèbo Jérusalem yé, ¹³ òin dòji kag tumur, tén nè kitò la taa. Kon ki ndidi kibobè, annan: «*Hosanna! Ngémajkur la i ngèrè kam tò Brabèt ki ngar lo Israël ag yé!» ¹⁴ Jésus ngah ngwon koro, ndi döat, kigo tat kindang kam Maktubt:


¹⁵ «Dég ki bèbo *Sion, ot òoolin!

On maj! Ngar losi ndi ré,
ndi dö ngwon korot.»

¹⁶ Ngéndoog loa gerin gir nyag inten dassa al; na lon Jésus bai aou ad ngah kossogon woi yé, kamla kamdi ga dö tat inten kindang kam Maktubt da'n döa, mban ad tolin ta nyag inten döat. ¹⁷ Dég koossng ingin ran ro Jésust lon kun'n Lazare ki té kam badt ada bai ku ngékwoigt tò yé, mana naj. ¹⁸ Kitò inten, kooss dég té lan nè taa, kitò on hoi ra nyakoj inten. ¹⁹ Kitò inten, Pharisig elin nè na ta, annan: «On bè! I gan dösi set, on dég ki döningt tubè aouin goat woi.»

Grec madg sahn ki n'on Jésus

²⁰ Grec madg ndin nõ tò ku ingintin rén kitò koss dödi ber nõ Lubaht lo



Ngwon koro.

fêtet yé. ²¹ Ingingon aouin ro Philippet in i dé ki bë Bethesda kam döning Galiléet, ndijena annan: «Dingam, ki ndig ki j'o Jésus.» ²² Philippe aou el André, kamla André ki Philippe aou elin Jésus. ²³ Jésus turdi an: «Kaglo ass woi kad Ngwon-dé ngah kossogon. ²⁴ Rota rota la m'ndi m'elsi yé, inla kum nyako so ningt woi al a nè, to kikiran; na inla woi a nè, a and kandn ngain. ²⁵ Dé'n ra ta ron a nè, a laa kò; na dé'n ndi or ta ron balang kò kam döningt nè tò a nè, a ngonma ki kumkajirt kimban kinöt. ²⁶ Inla dé mad ndig ki n'ra killaßer lom a nè, ki ndulo gom; lo in min tit, in la ngékillaßer lom a i tit ho yé; inla dé mad ndi ra killaßer lom a nè, Bobm a oss göna.»

Jésus el ta dö kwoint

²⁷ «Tajigla ta on kamm ngain. Ka m'an ri a? M'a m'kö Bobm kad ajm dökad inten wa? Bè al! i kita inten la m're'n mban dökad daiyot ki kon inten yé. ²⁸ Bobm, m'köi kad tö'i ko!» Ndi-ta mad té koki don döran, an: «M'ad töm ko woi, na m'a m'tel m'ad töm ko kidöt baitò.» ²⁹ Kooss dég

12:8 Deut 15:11

12:13 Ps 118:25, 26

12:15 Zach 9:9

12:25 Mat 10:39, 16:25; Marc 8:35;

Luc 9:24, 17:33

ingin ràn lo't inön, lon on dö ndi-ta inön yé, annan; ndi la ndang yé; ki-madg annan; malaika la ela ta yé.
³⁰ Jésus tur an: «Ndi-ta inön té kitatöm al, na kitatösi. ³¹ Takigang dö duniat inràn i tajigla, tajigla a tuba ngèkonbé dö duniat inràn kö. ³² Miñ ta a nè, lon a unmin kidon dö döningt a nè, m'a m'or dég tubè kiromt.»
³³ Jésus el ta innten, ndi oj'n jiniss kwoi in bet n'a kwoi. ³⁴ Kitö innten kooss dég turina nè annan: «J'o kam Mberkindat, Christ a ndi kinönt yé; titbain i ndi el'n an, kari na a unin Ngwon-dé kidon a? Ngwon-dé inön i nö a?»
³⁵ Jésus eldi an: «Kunj ndi kusit la ngwon sin baitö. I ndian lon i ndin nè ki kunj baitö kitökad til bási bop al. Dé ki ngèndia kam tilt ger lo in ndi aout al. ³⁶ Lon i ndin ki kunj baitö yé, adin rota kunj! kitökad i telin dég lo kunj.»

Ta dö kadrota-alt lo Juifg

Jésus el ta innten kamla bai rodit aou ya ron. ³⁷ Na ké ra nyakojg ngaiñ nòdit titbè ká a nè, adina rota al; ³⁸ kitökad tolin nè ta ta'n *ngè-kelta ki ta Luḡaht Esaie el:

«Nö ad rota ta'n on dö rojit a?

Ji Braḡé i ki té dö ro nöt a?»

³⁹ Kitö innten ran nè tog kad rota al, kitö Esaie tel el tö:

⁴⁰ «Luḡah ut kumdi mbuk;
 ad kamdi kongkong,
 na bétá a on ki kumdi,
 a gerin gira ki ngarkamdi,
 telin kiromt ad m'yootdi.»

⁴¹ Esaie el ta innten kitö o kunja kiràngereng, el ta da'n döa tö.

⁴² Na titbè ká a nè, dég madg ngaiñ ku mbaiḡégt adina rota, na elin ta döt kitiga wang al kita Pharisig, na bétá tubandi kö kam kuj kaounat lo Juifg. ⁴³ Ndigin kossgön lo dé toi ki lo Luḡah.

Ta lo Jésus a gang ta dö ngékadrota-altg

⁴⁴ Jésus un ndin kidon ko'n an: «Dé'n ndi adm rota a nè, miñ hañ ndi adm rota kirabè al, na ad rota Ngèlam

tö. ⁴⁵ Dé'n ndi o'm a nè, ndi o Ngèlam tö. ⁴⁶ Miñ kunj, m're döningt nè kitökad dé kirei'n ndi adm rota a nè, ki ndi kam tilt al. ⁴⁷ Inla dé mad ndi o dö tag lom, na ngonm godi al a nè, miñ hañ m'ndi gang ta döat al; m're ki m'gang ta dö dég ki döningt al, na ki m'aj dég ki döningt. ⁴⁸ Dé'n ndi mbatm, ndi ta tag lom al tö a nè, ndi ki ngégangta döat, ad i ta ki m'el la a gang ta döat ndöt kidöboit yé. ⁴⁹ Kitö m'un ta kidöm m'el al, na Bob ki ngèlam la adm mberkinda dö nyat in kari na ki m'el, ki tit ki m'a kel'n tö. ⁵⁰ M'ger tö mberkinda loa i kum-kajir kimbañ kinöt. Kitö innten ta ki m'ndi m'el yé, m'ndi m'el tit ki Bob elm'n.»

Jésus tugo nja ngéndoog lon

13 Ketté nö fète Pâque't Jésus ger kaglo lon ass kad té kam döningt inràn kö ki n'aou ro Bobt. Jésus tar ki lon'g inñ ndin döningt, tardi mbañ ki döngoi tar.

² Jésus ki ngéndoog lon ndin ta nyasat baitö, Diable nda kam ngarkam Judas Iscariote ki ngwon Simon woi kad laa ji madngétaagt. ³ Na Jésus ger Bob la nyag tubè jint, ger tö té koki-ro Luḡaht ndi tel aou ro Luḡaht gog tö yé, ⁴ bai ta nyasat, tor kubug lon ung, na un serviette dö'n bön. ⁵ Go't gog, ur man tassat, mba gir tugo nja ngéndoog lon, bordi ki serviette in dö'n bön. ⁶ Kamla té dö Simon Pierret. Pierre ela an: «Braḡé, ké i tugo njam a?» ⁷ Jésus tur an: «Nya ki m'ndi m'ra yé, i ger tajigla al, na a i ger gira gog go't kambai. ⁸ Pierre ela an: «A i tugo njam ki nja kira al bat.» Jésus tur an: «Inla m'tugoi al a nè, nya mad ki go'i nat sém goto.» ⁹ Simon Pierre ela an: «Braḡé, maj kad i tugo njam kirabè al, na jim ki döm tu tö.» ¹⁰ Jésus ela an: «Dé'n ndoog

man woi yé, gé ndoog gog al ta, na tugo njaa kirabè tañ gé, na i kikar nyang kitaagbè. Inñ kikar nyang, na inñ tubè al.» ¹¹ Jésus ger dé ki ngèlaa ji madngétaagt maj; kita inñten el'n an, inñ kikar nyang'g tubè al.

¹² Kitò inñten lon tugo njadi woi yé, òi kubug, na tel oss kiln ta nyasat gog, eldi an: «I gerin nya ki m'ra sési a? ¹³ I ndi kunmin Ngèndoosi ki Brabé; i ndi elin gorobat; kitò miñ titbè. ¹⁴ Rota, miñ Brabé ki Ngèndoosi, m'tugo njasi tò; kitò inñten sumba kad i tugon nja'na tò ho. ¹⁵ M'adsi nya-ndaj kitòkad i ran tit ki m'ra'n sési yé bè. ¹⁶ Rota rota la m'ndi m'elsi yé; ber i kibo toi ngèn al, ngombangkila i kibo toi ngèlan al tò. ¹⁷ Tajigla i gerin nya inñten. Inla i hön ra go't a nè, a inñ ngeronel.

¹⁸ M'ndi m'el ta losi tubè al. M'ger inñin m'mbed'di. Na sumba kad tolin nè ta ta kindang kam Maktubt: «Dé'n sa sém nat ká, gam ki gidnjan.» ¹⁹ Kinòt la m'ndi m'elsi ketté lon ran nya al baitò, kitòkad lon ran nya woi a nè, adin rota i «Miñ la i miñ.» ²⁰ Rota rota la m'ndi m'elsi yé; dé'n ndi hò dé kirei'n m'ndi m'laa kiront a nè, ndi hò m'el ki kibe kiront; dé'n ndi hò m'el kiront a nè, ndi hò Ngèlam kiront tò ho.»

Jésus el ta ketté an, dé mad a lan ji madngétagt

(O Matthieu 26:20-25, Marc 14:17-21, Luc 22:21-23)

²¹ Lon Jésus el ta inñten yé, ta on kama, el ta tiga wang, an: «Rota rota la m'ndi m'elsi yé, kikira kusit a lam ji madngétagt.» ²² Kitò inñten ngèndoog ndi nolin nè na, kamdi dadi ta pa ké nò ndi el ta loa. ²³ Kikira ku ngèndoogt loa ndi nò; i dé'n Jésus tara ngaiñ, ndinna ron kad Jé sust. ²⁴ Simon Pierre gaa ki dön, kad ndijè Jésus ké nò Jésus el ta loa. ²⁵ Ngèndoo inñon ned kiro Jé sust ndijé an: «Brabé, i nò a?» ²⁶ Jésus tur an: «In la i dé'n m'a m'la ngwon gáj pain kam tañ, m'or m'ada yé.» Titbè, lon la ngwon gáj pain kam tañ woi yé, or

ad Judas ngwon Simon Iscariote. ²⁷ Go ngwon gáj pain inñon la, Satan and kamat. Jésus ela an: «Nya ki i ndi ra, i ra kanangbè!»

²⁸ Ku inñtin ndin ta nyasat yé, dé mad ki ger kitòri el'n ta inñten goto. ²⁹ Bol-nar i ji Judast, kitò inñten ki-madg on a annan, Jésus ela ki ndugo nyag inñ gé kitò fète, ké ki ad nya mad ngèndo'g. ³⁰ Lon Judas ta ngwon gáj pain woi yé; té tentenbè kitiga. Lo dib.

Jésus ad ngèndoog lon mberkinda kikij

³¹ Lon Judas té aou woi yé, Jésus el an: «Tajigla *Ngwon-dé ngah kossgön, Luḅah tò ngah kossgön kamat. ³² Inla Luḅah ngah kossgön kamat a nè, Luḅah tò a ada kossgön kamnt in kibe kidön; tentenbè a ada kossgön tò. ³³ Nganm, miñ sési nat ngwon siñ baitò. A i sahmin; na tit ki m'el'n Juifg bè yé, m'an; lo in m'a m'out, i ran tog kaout al; titbè tò la m'elsi'n tajigla ho yé. ³⁴ M'adsi mberkinda kikij: sumba kad i tarin'na! Tit ki m'tarsi'n yé bè, ki i tarin'na titbè tò! ³⁵ Dò inñtinten dég tubè a gerin nè inñ ngèndoog lom, ad i dö tart ki i ndi tarin'na.»

Jésus el ta ketté an, Pierre a maj ta gern

(O Matthieu 26:31-35, Marc 14:27-31, Luc 22:31-34)

³⁶ Simon Pierre ela an: «Brabé, a aou rah a?» Jésus tur an: «Lo in m'ndi m'out, i ra tog kaou gomt tajigla al; na a i aou gomt kambai.» ³⁷ Pierre ela an: «Brabé, kitòri m'ra'n tog kaou goit tajigla al a? M'a m'ad rom kitò.» ³⁸ Jésus tur an: «A ad roi kitòm a? Rota rota la m'ndi m'eli yé, kinja a ko al baitò, na a i maj ta germ nja mita.»

13:12-15 Luc 22:27

13:16 Mat 10:24; Luc 6:40; Jean 15:20

13:18 Ps 41:10

13:20 Mat 10:40; Marc 9:37; Luc 9:48, 10:16

13:33 Jean 7:34

13:34 Jean 15:12, 17; 1 Jean 3:23; 2 Jean 5

Jésus i rob kaou ro Luḡaht ki Bob

14 «Ot kadin kamsi dasi ta pa! I ndi adin rota Luḡah a nè, ki admin rota tō! ² Kam bē't lo Bobm kujg ngainbè inñ tit. Inḡa titbè al a nè, nēni m'elsi ta inñ al; kitō m'ndi m'aou ki m'ra go lo kitōsi. ³ Lo ki m'aou m'ra go lo kitōsi a nè, m'a m'tel m're m'tasi kiromt; kitōkad lo in m'ndit a nè, inñ tō ki i ndint. ⁴ I gerin lo in m'ndi m'aout, i gerin roba tō.» ⁵ Thomas ela an: «Brabé, jin ki ger lo in i ndi aout al, titbain ki ra tog ger roba a?» ⁶ Jésus ela an: «Min rob, min rota, min kumkajir; dé mad ki aou ro Bobt goto na kitakulm tan. ⁷ Ni i germin a nè, ni i gerin Bobm tō. Kinōt la i gerina, ona tō.»

⁸ Philippe ela an: «Brabé, i ojji Bob! rang a assji.» ⁹ Jésus ela an: «M'ndi nat sési kok titbè yé la Philippe i germ al wa? Dé'n o'm a nè, o Bob; titbain i ndi el an; m'ojsi Bob a?» ¹⁰ Ad rota m'ndi kam Bobt, Bob tō ndi kammt al é? Tag inñ m'ndi m'elsi yé, m'un kidōm m'elsi al; na Bob in ndi kammt la, ndi ra killà lon yé. ¹¹ Adm rota m'ndi kam Bobt, Bob tō ndi kammt! Na inḡa titbè al a nè, adm rota kita killàg inñon kidōdi! ¹² Rota rota la m'ndi m'elsi yé, dé'n ndi adm rota a nè, killàg ki m'ndi m'ra, inñ tō a ra; an, a ra killàg kibo toi inginñon kitō m'ndi m'aou ro Bobt. ¹³ Ké nya ki ri in a i kōn Bob kam tōmt a nè, m'a m'ra inñon kitōkad Bob ngah kossōn kam Ngwont. ¹⁴ Inḡa i kōn nya mad kam tōmt a nè, m'a m'ra inñon.»

Ndil Luḡah a ré ra ki ngéndoog lo Jésus

¹⁵ «Inḡa i ndi tarmin a nè, a i ngonmin go mberkindag lom ho. ¹⁶ M'a m'ko Bob, inñ tō a adsi Ngérasési kitōkad ndi sési nat mban kinōnt, ¹⁷ ad i Ndil rota. Dég ki dōningt ran tog taa kirodit al, kitō ona al, gerina al tō, na inñ i gerina, kitō ndi nat sési, a i kamsit tō.»

¹⁸ M'a m'nyasi nganhalgt al, na m'a m'tel m're rosit. ¹⁹ Nain kaglo siñ

baitō kad dég ki dōningt o'min gog al, na i ndi o'min; m'ndi kumkajir, kitō inñon inñ tō a i ndin nè kumkajir. ²⁰ Ndōatinōn a i gerin koikoi m'ndi kam Bobmt, i ndin kammt, min tō m'ndi kamsit.

²¹ Dé'n ndi ki mberkindag lom, ndi ngonm godi tō a nè, in la ndi tarm yé. Dé'n ndi tarm tō a i ngètar lo Bobm, min tō m'a m'tara, m'a m'té ki rom hoi kiroat.» ²² Judas, (ad i Judas Iscariote al), ela an: «Brabé, ri ra nya han a i té ki roi hoi kirojit, na kiro dég ki dōningt al a?» ²³ Jésus tur an: «Inḡa dé mad ndi tarm a nè, a ngonm go ta lom; Bobm a tara tō; min ki Bob j'a ki ré roat, ki hō londiji roat. ²⁴ Dé'n ndi tarm al a nè, ndi ngonm go tag lom al tō ho. Na ta ki i ndi on dō i lom al, na i lo Bob ki ngèlam.»

²⁵ Lon m'ndi nat sési baitō yé, m'elsi tag inñon. ²⁶ Na Ngérasési, ad i Ndil kikunjrang in Bob a lan kam tōmt, in la a ndoosi nyag tubè, a ad i gan kamsi dō nyagt tubè ingin m'elsi yé.

²⁷ Kamsollom la m'ndi m'nya m'adsi yé, m'adsi kamsollom lom. M'ndi m'adsi tit ki dunia ndi adsi'n al. Ot kadin kamsi dasi ta pa! Ot kadin kamsi gang man! ²⁸ On dō kel ki m'elsi, «m'ndi m'aou, na m'a m'tel m're rosit tō ho.» Inḡa i tarmin a nè, ni i ran ronel, kitō m'ndi m'aou ro Bobt; kitō Bob i kibo toim. ²⁹ Tajigla m'elsi nyag inñon ketté lon ran nya al baitō, kitōkad lon a ran nya a nè, a adin rota. ³⁰ M'a m'elsi ta kirang gog ngainal ta, kitō ngèkonbè ki duniat inñon ndi ré; na aou ki tog dōmt al. ³¹ Na sumba kad dég ki dōningt gerin m'ndi m'tar Bob, m'ndi m'ra kigo mberkindat in Bob adm yé tō.» Jésus el an: «I ḡain! Ad ki j'aouin nu!»

Jésus i diñ ndu kijéjé

15 Min diñ ndu kijéjé. Bob i ngèkogoa. ² Ké dōji kirei kikammt ki ndi té ki kandn al a nè, a ga ganga kō. Dōji kirei ki ndi té ki kandn a nè, a ja takōna kitōkad té

ki kandn ki toi döt. ³ Ké tajigla iñn kikarg woi kitakul ta ki m'elsi. ⁴ I ndin kikammt! Miñ tò m'a m'ndi kikamsit. Tit ki döji ra tog kand kidön al, na rà ki dö diñ ndut tañ; titbè tò iñn, i ran tog té ki kand al, na lon i ndin kikammt tañ. ⁵ Miñ diñ ndu, iñn döjiag. Dé'n ndi ki kammt, miñ tò m'ndi kikamat a nè, dé inön ndi té ki kandn ngain, kitö kikanjm i ran tog ra nya mad al. ⁶ Iñla dé mad ndi kikammt al a nè, a lana kitiga, tit döji kag bè, ad tut; kamla kaouin döjig kinat, ungindi kam hort ad oñ rion. ⁷ Iñla i ndin kikammt, tag lom ton kikamsit tò a nè, i kõn nya ki ri ki i ndigin na Luḃah a ra adsi. ⁸ Iñla i tén ki kand ngain a nè, titbè tò Bobm a ngah'n töko, kitö iñten a i telin nè ngendoog lom yé. ⁹ Tit ki Bobm tarm'n yé, m'tarsi'n titbè tò. Ki i ndin kam tart lom! ¹⁰ Iñla i ndi ngonmin go mberkindag lom a nè, a i ndin kam tart lom; tit ki m'ngonm'n go mberkindag lo Bobm yé bè, m'ndi kikam tart loa yé bè ho. ¹¹ M'elsi tag iñten kitökad ronel lom ndi'n kikamsit, kad ronel losi assnatap tò ho.

¹² Mberkinda lom laten: ki i tarin'na tit ki m'tarsi'n yé bè! ¹³ Dé mad ki ndi ki tar ki toi iñten goto; ki dé ad ron kitö namng. ¹⁴ Iñn namng, iñla i ndi ran nya ki m'ndi m'ndasi mbera. ¹⁵ M'ndi kungsi berg gog al ta, kitö ber ger nya ki ngèa ndi ra al; na m'kungsi namng kitö m'ad i gerin nyag tubè'n m'o dö ro Bobmt. ¹⁶ Iñn la i kotmin al; na miñ m'kotsi yé, m'ndasi kitökad aou andin kandsi, kad kandsi to kinöt tò. Kitö iñten nya ki ri ki a i kõn Bob kam tömt a nè, ki adsi. ¹⁷ Mber iñten m'ndasi yé: ki i tarin'na!»

Dég ki döningt a ossin ta ngendoog lo Jésus

¹⁸ Iñla dé ki döningt ndi oss'sin ta a nè, ki i gerin ossmin ta ketté woi lon oss'sin ta al baitö. ¹⁹ Ni iñn lo dé ki döningt a nè, ni dé ki döningt a tarsin kitö iñn lodi. Na iñn lo dé ki döningt al, na m'kotsi ku dégt ki

döningt; kita iñten la dé ki döningt ndi oss'sin nè ta yé. ²⁰ Adin kamsi ga dö tat ki m'elsi nõ; “ber i kibo toi ngèn al.” Iñla dan rom ndo a nè, a dan rosi ndö tò ho; iñla ngonmin go ta lom a nè, a ngonmin go ta losi ho. ²¹ Na a ran sési nyag iñten tubè kitatöm kitö gerin Ngèlam al. ²² Nèni m'ré m'eldi ta al a nè, nèni ndin ki majal al; na tajigla on ta ká kelin dö majalt lodi al. ²³ Dé'n ndi ossm ta a nè, ndi oss ta Bobm tò. ²⁴ Nèni m'ra killäg kudit iñgin dé mad kirang ra al a nè, ni majal lodi goto; na tajigla on killäg lom, na ossmin ta ki Bobm tu. ²⁵ Na iñten ra nya kitökad tolin nè ta ta kindangkam Mberkindat lodi; “ossmin ta kikanj ta.”

²⁶ Na lon Ngèrasési ré woi a nè, ki m'a m'lan kirokit koki ro Bobt, ad i Ndil rota ki ndi té koki ro Bobt yé, a ma naj dömt. ²⁷ Iñn tò a i man naj dömt kitö i ndin sém nat lo yaḃoodat nu.»

16 «M'elsi tag iñten kitökad i son kö al. ² A tubasin kö kam kuj kaounagt lo Juifg. Dökaglot ki a ré nõ dé kirei ki a tolsi a nè, a o an n'ndi n'ra killä in Luḃah ndig. ³ A ran nyag iñten kitö gerin Bob al ho, germin al tò ho. ⁴ Na m'elsi tag iñten kitökad lon kaglo ass a nè, kamsi a ga dö tat ki m'elsi nõ ketté woi.»

Killä lo Ndil Luḃah

«Na m'elsi nyag iñten lo yaḃoodat nu al, kitö m'ndi nat sési. ⁵ Tajigla m'ndi m'aou ro Ngèlamt. Dé mad kusit nè ká ndijèm ké m'ndi m'aou rah a, goto. ⁶ Na kita kel ki m'elsi tag iñten yé, ad kamkil rooss kamsi. ⁷ Na m'ndi m'elsi rota, maj kitösi kad m'aou; kitö iñla m'aou al a nè, Ngèrasési a ré rosit al; na iñla m'aou a nè, m'a m'laa kirokit. ⁸ Lon a ré a nè, a hõ dé ki döningt nè ki ta dö majalt

15:12 Jean 13:34, 15:17; 1 Jean 3:23;

2 Jean 5

15:20 Mat 10:24; Luc 6:40; Jean 13:16

15:25 Ps 35:19, 69:5

lodi, ki ra dannaseou, ki takigang tö.
 9 A hödi ki ta dö majalt kitö ndi
 admin rota al; 10 dö ra dannaseout
 kitö m'ndi m'toi m'aou ro Bobt, na a
 i o'min gog al; 11 dö takigangt tö
 kitö Luḃah gang ta dö ngèkonḃé ki
 döningt inṛan woi.

12 M'ndi ki ta madg la ngainḃé kad
 m'elsi baitö na i ran tog kundi tajigla
 al. 13 Na lon In ad i Ndil rota a ré a nè,
 a orsi tarob kikam rotat tubè, kitö
 a un kidön el al, na a el nyag tubè'n
 a o dö, a ojsi nyag ki ndi rén. 14 A ad
 töm ko tö, kitö a öi kam lomt, a ojsi.
 15 Nyag tubè ki inṇ lo Bob inṇ lom.
 Kitö inṇen la m'el'n m'an, ndi öi
 kam ki lomt, a ojsi tö yé.»

Jésus el ta dö kamkilt ki ronel

16 «Kaglo nainṇ tenḃé a nè, a i lan
 kumsi dömt gog al; kamla kaglo
 tenḃé gog tö a o'min.» 17 Kitö inṇen
 kimadg ku ngédoogt loa elin'na
 annan: «Ta ri hapṇ ndi elij an, kaglo
 nainṇ tenḃé a nè, j'a ki la kumji döat
 gog al; kamla kaglo tenḃé gog tö j'a
 j'oa, ki ta ki el nö tö, kitö n'ndi n'aou
 ro Bobt a?» 18 Elin annan: «Ta ki el
 nö an, kaglo nainṇ tenḃé yé, gira i ri a?
 Ki ger gir ta ki el nö al.» 19 Jésus ger
 ndigin ki n'ndijèn'n ta, kitö inṇen
 eldi'n an: «I ndi ndijèn'na ta dö tat ki
 m'elsi nö m'an, kaglo nainṇ tenḃé a nè,
 a i lan kumsi dömt gog al; kamla
 kaglo tenḃé tö a o'min yo?» 20 Rota
 rota la m'ndi m'elsi yé, a i nonṇ, a
 uḃin wī tö, na dég ki döningt a ran
 ronel; a i ran kamkil, na kamkil losi
 a tel ronel. 21 Lon dékidenṇ ndi ton
 kooj a nè, ndi ki kamkil, kitö ndöa ass;
 na lon ooj ngwon woi yé, kama woi dö
 kamkil loa, kita ronel kibo raa dö
 koojt in ooj ngwon ki döningt. 22 Inṇ
 tö, tajigla i ndin ki kamkil; na m'a
 m'o'si gog, kamla rosi a nelsi, dé
 mad ká a ta ronel losi goto.

23 Ndöatinön a i ndijèmin ta mad
 al. Rota rota la m'ndi m'elsi yé; nya
 ki ri ki a i kön Bob kam tömt a nè,
 a adsi. 24 Mḃanṇ tajigla i kön nya mad
 kam tömt al. I kön! na a i ngahn,
 kitökad ronel losi rooss'n tap.»

Jésus el ta dö tet rö dunia

25 «M'elsi ta nyag inṇen ki tertag.
 Kaglo ndi ré nö, in m'a m'elsi ta ki
 tertag gog al, na m'a m'elsi ta lo Bob
 kitiga wakis. 26 Ndöatinön a i kön
 kam tömt, na m'elsi m'an, m'a
 m'ndijè Bob kitösi al; 27 kitö Bob
 kidön ndi tarsi, kitö i tarmin, adin
 rota m'té kam Bobt. 28 M'té kam
 Bobt, m're döningt nè, tajigla m'ndi
 m'nya döning, na m'ndi m'aou ro
 Bobt.»

29 Ngédoog loa elina annan: «O!
 tajigla ki ger i ndi el ta kitiga wakis,
 i terta la i ndi el al. 30 Tajigla ki ger
 i ger nyag tubè, i gé kad dé mad ndijèi
 ta al; kitö inṇen j'ad'n rota i té koki
 ro Luḃah.» 31 Jésus turdi an: «Tajigla
 adin rota a? 32 On maj! dökad ndi ré,
 tajigla ré woi tö, in a i inṇen nè na,
 ké dé kirei a aou lo lon, a i nyamin
 kikirambèdo, na miṇ kikiram al, kitö
 Bob i nat sém. 33 M'elsi ta nyag inṇen,
 kitökad i ngahn nè kamsollom kammt.
 Kam döningt nè i ndin ki kamkol,
 na inṇen kamsi ndang, m'tet rö dunia.»

Jésus el ta ki Luḃah kitö ngédoog lon

17 Lon Jésus el tag inön tiga yé,
 un kumn ki doṇ döraṇt, el an:
 «Bob, kaglo ass woi, ad tö Ngwoni ko
 kitökad Ngwoni ad töi ko tö! 2 kigo
 togt in ada dö ngékumkajirgt tubè,
 kitökad ad kumkajir kimḃan kinöt dég
 tubè inṇin ada. 3 Inṇen la i kumkajir
 kimḃan kinöt yé, kad dég geriin inṇ
 Luḃah ki ngèrota kirabé ki Jésus
 Christ ki i laa tö. 4 M'ndi m'ad toi ko
 döningt nè, ki lo tol kön killat ki i
 adm ki m'ra nö. 5 Tajigla, Bob, ad
 töm ko roit Inṇ kiḃé, kigo töko't in
 m'ndi'n séi nat lon ndahn nè döning
 al baitö.

6 Dég ki i admdi kokam dégt ki
 döningt nè yé, m'ad'di gerin töi. Inṇ
 loi, inṇ la admdi yé; ngonmin go ta loi
 tö. 7 Tajigla gerin nyag tubè inṇin adm
 inṇ ko roit, 8 kitö m'ad'di tag ki i
 adm; inṇen tö tan, gerin tö m'té koki
 roit, adin rota inṇ la i lam yé.

9 M'ndi m'kö kitödi. M'ndi m'kö

kitö dég ki döningt al, na kitö dég ki i admdi kitö inñ loi. ¹⁰ Nyag loi tubè inñ lom, loig tö inñ lom; m'ngah kossgön kamdit tö. ¹¹ M'ndi döningt gog al ta; na inginön ndin döningt; miñ tö m'ndi m'aou roit. Bob ki ngèkunjang m'köi ki i ngonm dég ki i admdi kam tog töit, ad i tö ki adm, kitökad inñ kira tit jin bè.

¹² Lon miñ sédi nat baitö yé, ingin i admdi m'ngonmdi kam tog töit ad i tö ki i adm; m'ngonmdi maj ad kikira kudit ká nuj kö al, na dé ki ngènujko inön kirabè tañ; kitökad tolin nè ta ta kindang kam Maktubt. ¹³ Na tajigla m'ndi m'aou; nyag inñen tö m'ndi m'el döningt nè kitökad ngahn ronel lom kikassnatap kamdit. ¹⁴ M'ad'di ta loi; dég ki döningt tö ossindi ta kitö inñ lo dég ki döningt al. ¹⁵ M'ndi m'köi ki öidi ku dégt ki döningt kö al, na kad ki i ngonm Ngemajal dödit. ¹⁶ Inñ lo dég ki döningt al tit ki miñ lo dég ki döningt al tö. ¹⁷ I teldi kija-bat't kam rotat, ta loi la i rota yé. ¹⁸ Tit ki i lam'n kiku dégt ki döningt yé, titbè tö la m'ladi'n kiku dégt ki döningt. ¹⁹ M'adi rom kitaagbè kita-tödi kitökad inñ kibé kidödi telin rodi kijabat't kam rotat.

²⁰ Kitö ingindin kirabè la m'ndi m'kö'n al, na kitö inginön tö ingin a admin rota kita ta lodi. ²¹ M'kö kitökad inñ tubè ki inñ kira tit ki Iñ Bob Iñ kammt, miñ tö miñ kamit, kad dég ki döningt adin nè rota Iñ la i lam yé. ²² M'ad'di töko in i adm, kitökad inñ kira tit ki jin kira. ²³ Miñ kamdit, Iñ kammt tö ho, kitökad inñ kikassnatap kam kirat, kitökad dég ki döningt gerin nè Iñ la i lam yé, i tardi tö, tit ki i tarm'n.

²⁴ Bob, ingin i admdi yé, m'ndig ki ndin sém nat lo't in miñ tit kitökad on töko lom in adm, kitö i tarm ketté lon lan nè gir döning al baitö. ²⁵ Bob kidannaseou, dég ki döningt geriin al, na miñ m'geri; inginön tö gerin ta kad i lam. ²⁶ M'ad'di gerin töi, m'a m'ad'di gerina tö, kitökad tar inñen in i tarm'n ki i kamdit, miñ tö, ki miñ kamdit.»

Judas la Jésus ji madngétagt ad hõna

(O Matthieu 26:47-56, Marc 14:43-50, Luc 22:47-53)

18 Lon Jésus el tag inñen woi yé, té tiga nat ki ngèdoog lon, aou gid man yasst ki töa i Cédron, lo in ndör mad to't. Jésus ki ngèdoog lon andin kamt. ² Judas in ndi laa ji madngétagt yé, ger lo inön bet; Jésus ki ngèdoog lon a kaouin'na kitit ki nja natnatbè. ³ Kitö inñen Judas ngah but ngérög ki gardeg kokiro ngè-jamosskadkari kibogt ki Pharisis yé, ré sédi lo't inön ki lampeg ki hordog'g ki nyakatg. ⁴ Jésus ger nyag tubè ki ndi rén dönt, ad té tiga, eldi an: «A i sahn nö a?» ⁵ Turina annan: «Jésus ki Nazareth.» Jésus eldi an: «I miñ.» Judas ki ngèlaa ji madngétgat, rà nat sédi. ⁶ Lon Jésus eldi an: «I miñ» yé, telin ki gid'di tuson döningt. ⁷ Jésus tel ndijèdi gog tö, an: «A i sahn nö a?» Elina annan: «Jésus ki Nazareth.» ⁸ Jésus tur an: «M'elsi bá, m'an, i miñ. Inla i miñ la i rà i sahmin a nè, i nyan dég inñan ad aouin» ⁹ Jésus el ta inñen kitökad tolin ta ta'n el an: «Ku ing-intin admdi, kikira té jimt so al.» ¹⁰ Simon Pierre aou ki *kassgar, hö tui, ga'n ber lo bira ngèjamosskadkari, gang'n mbia ko kona. Tö ber inön i Malchus. ¹¹ Jésus el Pierre an: «I la kassgar hauat gog! m'a m'aiñ kam kop daiyot in Bob adm ki m'aiñ kamt yé al é?»

Jésus rà nö Annast

¹² But ngérög ki biradödi ki gardeg lo Juifg hön Jésus, döna. ¹³ Aouin sia ro Annast ketté, kitö i mum Caïphe in i bira ngèjamosskadkari balatinön, ¹⁴ Caïphe ká'n hap oj Juifg ta an: «Maj kad dé kikira woi kitö dég.»

Pierre maj ta ger Jésus

¹⁵ Simon Pierre ndulo go Jésus, titbè tö ngèndoo mad. Bira ngè-



Judas Iscariote ki koos ngërög.

jamosskadmari ger ngëndoo inön bet, ad and natbët lo bira ngëjamosskadmari nat ki Jésus, ¹⁶ na Pierre rà tabit't tiga. Ngëndoo inön in bira ngëjamosskadmari gera bet yé, té tiga, el ta ngwon kiden ki ngëngonm tabit, na or Pierre and sia. ¹⁷ Ta a nè, ngwon kiden ki ngëngonm tabit inön el Pierre an: «In ku ngëndooft lo dé inön tò al é?» Pierre an: nin kudit al.

18 Berg ki gardeg ingin ran don lo't inön ran hor ki muin ketté woi; kitö kul on; rà tiþin hor; Pierre tò rà tib hor sédi.

Bira ngëjamosskadmari nder gir ta lo Jésus

(O Matthieu 26:49-66, Marc 14:55-64, Luc 22:66-71)

19 Bira ngëjamosskadmari ndijè Jésus ta dö ngëndooft loa ki nyandoo loa tö. ²⁰ Jésus tura an: «M'el ta dan dégt tiga wakis, m'ndoo dég ki-ndögbè kam kuj kaounat lo Juifg ki kam kuj ndub Luþaht, lo in Juifg tubè a kaouin'na kitit, m'el ta mad gid tilt al. ²¹ Kitöri i ndi i ndijem'n a? I ndijè ingin on dö ta lom, ta ri m'eldi! Inginön gerin ta ki m'el nö bet.» ²² Dö tat inön kikira ku gardegt in ran lo't inön nda Jésus ki jin, el an: «I rà i tur ta bira ngëjamosskadmari titbè é?» ²³ Jésus tur an: «Inla m'el ta kimajal a nè, i ma naj majala! na inla m'el ta kimaj a nè, kitöri i rà i ndam'n a?»

24 Annas laa kidö'ö bè kiro Caïphet ki i bira ngëjamosskadmari.

Pierre tel maj ta ger Jésus gog baitö

(O Matthieu 26:71-75, Marc 14:69-72, Luc 22:58-62)

25 Simon Pierre rà nö, rà tib hor. Dégt madg elina annan: «In ku ngëndooft loa tö al é?» Pierre maj, an; nin kudit al. ²⁶ Kikira ku bergt lo ngëjamosskadmari ad i nooj ber in Pierre gang mbia nö, el an: «M'o'i nat sia kam ndört al é?» ²⁷ Pierre tel maj gog tö, tentenbè kinja mad ko.

Jésus rà nö Pilatet

(O Matthieu 27:1-2, 11-14, Marc 15:1-5, Luc 23:1-5)

28 Orin Jésus ro Caïphet, aouin sia kam kuj lo ngëkonbè, lo ar yororo. In kibég kidödi andin kam kuj lo ngëkonbè al, na bétà n'telin *kiyer ad ogindi san nyasa Pâque. ²⁹ Kitö in ten *Pilate té ré rodit, el an: «Ta ri i ndi unin nè dö dé inran a?» ³⁰ Turina annan: «Inla dé inran i ngëramajal a nè, ni j'a ki laa jiti al.» ³¹ Dö tat in ten Pilate eldi an: «In kibég kidösi unina, i gangin ta döat kigo Mberki-ndat losi!» Juifg elina annan: «J'aou ki tog kad ki gang'n ta kwoi dö dét mad al.» ³² Ran in ten kitökad tolin nè ta ta'n Jésus el da'n dö kwoi in a kwoi.

33 Pilate tel and kam kuj konbèt gog, kun Jésus kiront, ela an: «In ngar lo Juifg é?» ³⁴ Jésus tur an: «I un ta in ten kidöi la el yo, ké dégt madg elin ta in ten dan nè döm a?» ³⁵ Pilate tur an: «Min Juif a? Girdég loi ki ngëjamosskadmari, in la lain jimt yé; i ra ri a?» ³⁶ Jésus tur an: «Konbè lom i ki döningt inran al; neni konbè lom i ki döningt inran a nè, ni ngékilag lom a rön kitöm, kitökad lamin ji Juifgt al; na tajigla konbè lom i ki nèbè al.» ³⁷ Kitö in ten Pilate el an: «Ad i ngar a?» Jésus tur an: «In el titbè, min ngar. Kooj ki oojm ki rém döningt nè i kitökad m'ma naj dö rotat. Dé kirei ki i lo rota a nè, ndi nel mbin kiromt.» ³⁸ Pilate ela an: «Rota i ri a?»

Gangin ta kwoi dö Jésus

(O Matthieu 27:15-31, Marc 15:6-20, Luc 23:13-25)

Lon el ta in ten ye, Pilate té aou ro Juifgt gog, eldi an: «M'ngah ta mad dö dét inran al. ³⁹ Na aouin ki nyabelbè losi kad m'or dé kira m'adsi ki ndö Pâque yé; i ndigin ki m'or ngar lo

18:11 Mat 26:39; Marc 14:36; Luc 22:42

18:14 Jean 11:49-50

18:32 Jean 3:14, 12:32

Juifg m'adsi é? ⁴⁰ Tel kon mbiting gog, annan: «Dé inràn al, na Barabbas tañ.» Barabbas ta, i ngèkumrob.

«Ngar loji mad goto, na César tañ.»
¹⁶ Kamla Pilate la Jésus jidit kad gana kagdoosst.

Gan Jésus kagdoosst

(O Matthieu 27:32-44, Marc 15:21-32, Luc 23:26-43)

19 Kamla Pilate un Jésus ad ndana ki ndeh. ² Ngérög ran jog kön, lan döat, lan kubu kikiré gannia roat. ³ Kamla rén roat, annan: «Lalé, ngar lo Juifg!» Rà tindana ki dajidi.

⁴ Pilate té tiga gog, el Juifg an: «On maj! M'ndi m'ré sia tiga rosit, kitökad i gerin m'ngah ta mad döat al.» ⁵ Kamla Jésus té, ki jog kön dönt, ki kubu kikiré gannia ront. Pilate eldi an: «On dingam ta!» ⁶ Lon ngéjamosskaskarig ki gardeg ona yé, unin ndidi kon nè, annan: «I gaa kagdoosst! I gaa kagdoosst!» Pilate eldi an: «In kibég kidösi aouin sia, i gana kagdoosst, kitö m'ngah ta mad döat al.» ⁷ Juifg turina annan: «Jin ki ndi ki Mberkinda loji, na kigo Mberkindat loji, sumba kad woi kö, kitö tel ron Ngwon Lübäht.»

⁸ Lon Pilate o dö ta innten yé, tel bool'n ki toi; ⁹ tel and kuj-konbét gog, el Jésus an: «In ko ki rah a?» Na Jésus laat al. ¹⁰ Kitö innten Pilate ela an: «I lam tat al é? I ger m'aou ki tog kad m'ori'n, m'aou ki tog kad m'gai'n kagdoosst al é?» ¹¹ Jésus tura an: «I ndi ki tog dömt al bat, na inla adiin ta kad koki döñ tañ. Kitö innten dé ki ngèlam jiiit ra majal kibo toi.» ¹² Dö tat inñon Pilate sah ki n'ora, na Juifg kon mbiting, annan: «Inla i or dé inràn a nè, in nam César al. Ké dé kirei'n tel ron ngart a nè, ndi ndoor César.»

¹³ Lon Pilate o dö ta innten yé, ré ki Jésus tiga, ndi ber dö pong gangtat kam lo't mad ki a kunina Dingirlo, na ki ta Juif i Gabbatha. ¹⁴ I *Ndö ra go nyag kitö Pâque, kâdmidi i nderbè. Pilate el Juifg an: «On ngar losi!» ¹⁵ Na kon mbiting annan: «I tola! I tola! I gaa kagdoosst!» Pilate eldi an: «Ki m'ga ngar losi kagdoosst é?» Ngéjamosskaskari kibog turin annan:

Kitö innten orin Jésus aouin sia. ¹⁷ Jésus un kagdoosst ki dön, té aou'n lo't mad ki töa i Lo-ka-dö, na a kunina Golgotha ki ta Hébreu. ¹⁸ Nu la gana kagdoosst ki kimadg jo nat sia yé; kikirä ko mad, kikirä ko mad, ki Jésus dandit.

¹⁹ Pilate ndang maktub ad lan döñ dö kagdoosst. Ta kindang laten: Jésus ki Nazareth, Ngar lo Juifg. ²⁰ Juifg ngainbè liren ta kindang inñon, kitö lo in gan Jésus kagdoosst yé, i nderbè kikad bét. Ta kindang inñon i ki ta Hébreu ki ta *Latin ki ta Grec tö. ²¹ Ngéjamosskaskari kibog lo Juifg elin Pilate annan: «Ot ndang, Ngar lo Juifg! na maj kad i ndang titbè: El an niñ Ngar lo Juifg!» ²² Pilate tur an: «Nya ki m'ndang woi, m'ndang, a to titbè.»

²³ Lon ngérög gan Jésus kagdoosst woi yé, öin kubug loa, kegin gir sö, gir kira kitö ngérö kirei. Na nain kubuji loa; kubuji inñon i kikanj kur, i ki jo ta jo kitaagbè, köat mban ung kiber. ²⁴ Kitö innten elin'na annan: «Ot kadin ki til! na ad ki yan yuk döt! kad ki j'o dé'n a un.» Innten ra nya kitökad tolin nè ta ta kikam Maktubt:

«Kegin'na kubug lom kinadit, yan yuk dö kubujit lom tö.»

Ngérög ran nyag inñon titbè.

²⁵ Na koña rà kad kagdoosst lo Jésus nat ki ngwonkoñ koña kiden ad i Marie ki nè Cléopas, ki Marie Madeleine tö. ²⁶ Lon Jésus o koñn, ki ngèndoo lon in tara rà lo't inñon yé, el koñn an: «Dékiden, o ngwoni!» ²⁷ Kamla el ngèndoo lon an: «O koñi!» Dökaglot inñon ngèndoo inñon una ki bè lon.

Jésus woi kagdoosst

(O Matthieu 27:45-56, Marc 15:33-41,
Luc 23:44-49)

28 Go nyagt inŋen, Jésus ger nyag tubè tigan woi yé, el an: «Kinda onm.» El titbè kitòkad tol'n ta ta kikam Maktubt. ²⁹ Lo't inön ndan bir mad tit ki kassndu kimass roossa. Ngérög lan ndökiro kam kassndut unin nè. Kamla lan ndökiro inön ta kön ngwon kag *hysopet, lan nè ta Jésus. ³⁰ Lon Jésus ta man kimass tant yé, el an: «Nyag tubè tigan woi.» Kamla ga dön kiber, na nya ndiñ ad té.

Ngérö mad un ninga oss'n kad Jésus

31 Juifg kön Pilate kad tetin njadi, ki orindi kö. Ran titbè kitö i ndö ra go nyag kitö Pâque, in ndigin kad danro dég ràn kidon kagdoosst ki ndö takò al, kitö ndö takò inön i ndö kibo. ³² Kitö inŋen ngérög rén, tetin nja kidassa, ki kimad in gana kagdoosst nat ki Jésus. ³³ Na lon rén ro Jésus yé, on woi ketté ad tetin njaa al. ³⁴ Na kikira ku ngérögt oss kada ki ninga; tentenbè moss ki man aipint. ³⁵ Dé'n o yé, ma naja, najkima loa i rota tö, kitòkad inön tö adin nè rota. ³⁶ Kitö nyag inŋen ran nya kitòkad tolin nè ta ta kikam Maktubt;

«A tetin kingaa kira al bat.»

³⁷ Ta mad kirang kikam Maktubt tö el an:

«A on in hañ ossina.»

Dubin Jésus bulombalt

38 Go nyagt inŋen, Joseph ki bé loa i Arimathée, ki i ngèndoo lo Jésus, na ya dön kité böol Juifg yé, ndijè Pilate kad ki ad n'un danro Jésus. Pilate nya ada. Ta a nè, Joseph ré, un danro Jésus. ³⁹ Nicodème tö, in mari aou ro Jésus ndö yé, ré ki *myrrh ki *aloès ki burin nat. Koia i nderbè kad ass kilo dömita. ⁴⁰ Unin danro Jésus, dulona ki kubu-drap ki nyag ki koot mbin, go nyabelbé dub nint lo Juifg. ⁴¹ Ndör mad i lo't in gan Jésus tit kagdoosst. Bulo kikij i kam ndört inön. Nin dé to't nja kira al. ⁴² Lo't inön la lan Jésus, kitö i ndö ra go

nyag kitö Pâque lo Juifg, na bulombal inön i nderbè kitit.

Bulombal to kari, danro Jésus gotot

(O Matthieu 28:1-8, Marc 16:1-8,
Luc 24:1-12)

20 Dö ndöt kidassabang lo ndög kisiri yé, Marie Madeleine aou döbadt kisiñ rititi, lon lo ar al baitö. O unin mbal kö ta bulombalt. ² Kitö inŋen la or kingod ré ro Simon Pierret, ki ngèndoo inön tö in Jésus tara, eldi an: «Unin Brabé kam bulombalt kö, na ki ger lo in lanat al.» ³ Pierre ki ngèndoo inön tén, aouin döbadt. ⁴ Ossin ngod orin nat, na ngèndoo kimad inön aip to'i Pierre, té döbadt ketté; ⁵ ud gat o lo kikamt, na o kubunin to kiber, na and kèmé al. ⁶ Kamla Simon Pierre ut goa, ré and kam bulombalt, o kubunin to kiber; ⁷ ki mindil tö in to dö Jésus, to nat ki kubunin al, na i ki tet kam nat to kidang. ⁸ Kamla ngèndoo kimad inön in té döbadt ketté yé, and kèmé, o, ad rota tö. ⁹ Kitö gerin ta kikam Maktubt al baitö in an, kari na Jésus a bai ku ngékwoigt. ¹⁰ Kitö inŋen la ngèndoog tel aouin nè bé lodi go.

Jésus té hoi kiro Marie Madeleinet

(O Matthieu 28:9-10, Marc 16:9-11)

11 Marie rà tiga ta bulombalt, rà non. Rà non baitö, ud gat, o lo kikam bulombalt. ¹² O malaikag jo ki kubug kindà ngung rodit ndin nè lo't in danro Jésus to't mari, kikira i ko döt, kikira i ko njat. ¹³ Ndiijèna annan: «Dékiden, kitöri i rà i non'n a?» Turdi an: «Kita kun ki unin Brabé lom aouin sia, na m'ger lo in lanat al.» ¹⁴ Lon el ta inŋen woi yé, mbel gidn, o Jésus rà loatinön, na ger takina Jésus al. ¹⁵ Jésus ndijèa an: «Dékiden, i rà i non kitöri a? I rà i sah nö a?» Marie oa an i ngèndör, ndijèa an: «Dingam,

19:28 Ps 22:16, 69:22

19:36 Té 12:46; Nom 9:12; Ps 34:21

19:37 Zach 12:10; TN 1:7

19:39 Jean 3:1-2

inla una i laa lo't mad a nè, i ojm lo in i laat nõ, kad m'aou m'una.»
¹⁶ Jêsus ela an: «Marie!» Marie mbel, ela ta ki ta Hébreux an: «Rabboni,» (gira i titbè: Ngêndoo-dég.)
¹⁷ Jêsus ela an: «Ot hõm! kitõ m'aou doñ ro Bobt al baitõ, na aou ro ngankonmt! Eldi an, m'ndi m'aou doñ ro Bobmt ki Bobsi, m'aou doñ ro Lubah lom ki Lubah losi!»
¹⁸ Ta a nè, Marie Madeleine aou, or hoia ngêndoog an, n'o Brabé, eln tag inñen tõ.

Jêsus té hoi kiro ngêndoogt lon

(O Matthieu 28:16-20, Marc 16:14-18, Luc 24:36-49)

¹⁹ Dõ ndõt kidassabang lo ndög kisiri, ngêndoog utin tabitg lo't in kaouin'na kitit kita bool ki boolin Juifg. Jêsus ré lokisolé, rà dandit, eldi an: «Lafia ki ndi dõsit!»
²⁰ Lon el ta inñen woi yé, ojdi jin ki kadn. Ngêndoog ran ronel dõ ko't ki on Brabé.
²¹ Jêsus tel eldi gog tõ an: «Lafia ki ndi dõsit! Tit ki Bob lam'n yé, titbè tõ m'ndi m'las'i'n.»
²² Lon eldi ta inñen woi yé, to kò kamdit, eldi an: «I tan Ndil kikunjrang!»
²³ Inñin i nyan go majalg lodi kò a nè, inñ ki nya go kò, na inñin adin majalg lodi hõndi sem a nè, a hõndi sem tõ ho.»

Jêsus té hoi kiro Thomast

²⁴ Na lon Jêsus ré yé, kikira ku ngêndoogt kikilah gidaijo, ad i Thomas ki a kunina Ndinga, i nat sédi al.
²⁵ Kitõ inñen ndeg ngêndoo madg elina annan, n'on Brabé. Thomas eldi an: inla n'o goot dõ ngaug kikam jiat, n'la ngwon jin goot dõ ngaugt, ki n'la jin ta bulo dõt kikadat tõ al a nè, n'a n'ad rota al bat.

²⁶ Go ndõgt kijijo, ngêndoog lo Jêsus kaouin'na kam kujt kikira inñon gog tõ, na tabitg inñen kikut. Thomas i nat sédi. Kamla Jêsus ré, rà dandit, el an: «Lafia ki ndi dõsit!»
²⁷ Kamla el Thomas an: «I la ngwon jii nè, o jim! I la jii nè, i laa ta bulo dõt kikadmt! Ot bad, na ad rota!»
²⁸ Thomas tura an: «Brabé lom ki Lubah lom!»
²⁹ Jêsus ela an: «Kita ko ki o'm la, ad'n

rota. Ngéronelg la i inñin on al, na adin rota yé.»

Jean ndang maktub inñen kitõkad dég adin rota Jêsus i Ngwon Lubah

³⁰ Jêsus ra nyakoj madg ngainbè nõ ngêndoogt lon, na inñen kindang kam maktubt inñen al.
³¹ Nyakojg inñen inñen kindang kitõkad i adin nè rota Jêsus i Christ ki Ngwon Lubah, na kam kadrotat ki i ndi adina tõ yé, ki i ngahn nè kumkajir kam tõt.

Jêsus té hoi kiro ngêndoogt lon kisiri

21 Go nyagt inñen, Jêsus tel té hoi kiro ngêndoogt lon ta bahbot ki tõi i Tibériade gog. Té hoi rodit ki rob kititbè: ² Simon Pierre, ki Thomas ki a kunina Ndinga, ki Nathanaël in i dé ki bêt ki Cana kikam döning Galiléet, ki ngan Zébédée, ki ngêndoo madg jo tõ, ndin nat lo kira.
³ Simon Pierre eldi an, n'a n'aou kanj. Inñinõn elina annan, inñen tõ n'a n'aouin nat sia. Tén, andin kam to't, na kam ndõt inñon hõn nya mad al.

⁴ Lon lo ndi tija yé, Jêsus rà ta bahbot; na ngêndoog gerin takina Jêsus al.
⁵ Jêsus eldi an: «Ngan'g, i hõn kanj a?» Turina annan: «Goto!»
⁶ Eldi an: «I lan bandbira ko koñ to't, a i ngahn nè!» Lan, na dum kor gog kita kanj ngain ki hõn nõ.
⁷ Kamla ngêndoo inñon in Jêsus tara yé, el Pierre an: «I Brabé.»

Lon Simon Pierre o dõ i Brabé yé, la kubu lon ront, kitõ roa i kari, kila so kam bahbot.
⁸ Na ndeg ngêndoog rén kam ngwon to't, kitõ i sain al ki döningt, na i nderbè ass mètre bu, rà ndorin bandbira ki kanj roossa.
⁹ Lon té udin döningt yé, on hor muin to nõ, kanj to dõt, ki pain tõ.
¹⁰ Kamla Jêsus eldi an: «Oin kanj madg ki i hõndi nõ, i rén nè!»
¹¹ Simon Pierre bai kam to't, ndoor bandbira ki

20:23 Mat 16:19, 18:18

21:3 Luc 5:5

21:6 Luc 5:6

döningt. Kanj kibobo roossin bandbira, kordi i ɓu ki dömi gidaimita, na ké inn nè ngaiɗ titbè ká a nè, bandbira gang al. ¹² Jésus eldi an: «I rén, i san nya!» Ku ngéndoogt inön, kimad ki kirè kamn ndijèa'n kan, in nö a? goto, kitö gerin i Brabé. ¹³ Jésus aou, un pain, ad'di ki kanj titbè tö. ¹⁴ Inön i té kikonmita in Jésus té'n hoi kiro ngéndoogt lon, go ɓai'n ku ngékwoit.

Jésus ndijè Pierre ta nja mita

¹⁵ Lon san nya woi yé, Jésus ndijè Simon Pierre an: «Simon ngwon Jona, i tarm toi inginön é?» Tura an: «An, Brabé; i ger m'ndigi.» Jésus ela an: «I ul ngan batg lom!» ¹⁶ Jésus tel ndijèa ndijè kikonjo an: «Simon ngwon Jona, i tarm a?» Pierre tura an: «An, Brabé, i ger m'ndigi.» Jésus ela an: «I ngonm batg lom!» ¹⁷ Jésus ndijèa ndijè kikonmita an: «Simon ngwon Jona, i ndigm a?» Pierre ra kamkil kita kel ki ela kikonmita, an, ké ndign a? Tura an: «Brabé, i ger nyag tubè, i ger m'ndigi.» Jésus ela an: «I ul batg lom!» ¹⁸ Rota rota la m'ndi m'eli yé, lon in bassa yé, i dö ɓò'i kidöi i aou lo ki kami ndig, na lon i tel ɓuga a nè, a i sira jii, ad dé mad dö ɓò'i, aou séi lo't ki i ndig al.» ¹⁹ Jésus el ta innten

da'n dö kwoi in Pierre a kwoi kad adin tö Luɓah ko'n. Lon el ta innten woi yé, ela an: «I ndulo gom!»

Ta lo ngéndoo ki Jésus tara

²⁰ Pierre mbel kigog, o ngéndoo inön in Jésus tara a ndulo godi, in tag mari ndinna ron kad Jésus lo sanyat, in ndijè Brabé ké nö a laa ji madngé-taagt a. ²¹ Ki koa, Pierre ndijè Jésus an: «Brabé, dé inran, ri a raa?» ²² Jésus tura an: «Inla m'ndig ki ndi mban m're a nè, usi ri't a? Iɓ, i ndulo gom!» ²³ Kitö innten ta inön aou'n ku ngankont, ki kan ngéndoo inön a woi al. Na Jésus el Pierre an, a woi al al, na an, inla n'ndig ki ndi mban n're a nè, ussa ri't a?

²⁴ In la i ngéndoo inön in ma naj dö nyagt innten yé, ndang nyag innten tö. Ki ger najkima loa i rota tö.

Döngoi ta

²⁵ Jésus ra nya madg kirang ngaiɓbè tö. Inla ndangin nyag inön kira kira kam maktubgt a nè, m'ga dömt m'o maktubg ki a ndangin, ké döning kitaagbè ká'a ass kundi al.